


土岐文庫  
文庫17  
W 82  
20



文庫 17  
W82  
20

送陸務觀編修監鎮江郡歸會稽待闕

寶馬天街路，烟蓬海浦心。非關愛京口，自是憶山陰。高與  
餘飛動，孤忠有照臨。浮雲付舒卷，知子道根深。  
見說雲門好，全家住翠微。京塵成歲晚，江雨送人歸。邊瑣  
風雷動，軍書日夜飛。功名袖中手，世事巧相違。

送李仲鎮宰溧陽

相逢已歎十年遲，冷淡蒼  
梅吹雨送帆時。月岩家世  
猶為縣仲鎮方叔孫也金瀨溪山好賦  
詩，喚起酸寒孟東野。倒流  
三峽洗餘悲。

次韻子永雪後見贈

雪瓊待伴半陰晴，竟日簷  
石露塔猶明。稍聞吉語  
占農事，便覺歸心勝宦情。想得



昭和六十年二月一日贈  
土岐善吉唐氏寄

010185188464

惜田來歲好瓦盆嘉釀灌愁城

與正夫朋元遊陳侍御園

沙際春風轉物華意行聊復到君家年年我是重來客處  
處梅皆舊識花宮減不妨詩事業地寒猶辨醉生涯城中  
馬上那知此塵滿長裾席帽斜

正月十四日雨中與正夫朋元小集夜歸

燈市婁清燈火稀雨中風帽笑歸遲月明想在雲堆處客  
醉都忘馬滑時老去尊前花隔霧春來句裏髻成絲浮生  
不了悲歡事作劇兒童總未知

韓無咎檢詳出示所賦陳季陵戶部巫山圖詩仰窺

高作歎息彌襟余嘗攷宋玉談朝雲事漫稱先王  
時本無據依及襄王夢之命玉為賦但云顛顏怒

以自持曾不可犯于後世弗察一切圖以

曹子建賦宓妃亦感此而作此嘲誰當解者輒用

此意次韻和呈以質撫掌

瑤姬家山高插天碧叢奇秀古未傳向來題目經楚客名  
字經度峨岷前是邪非邪莽難識喬林古廟常秋色暮去  
行雨朝行雲翠惟瑤席知何人峽船一息且千里五兩竿  
頭見幡尾仰窺仙館至今疑行人問訊居人指千年遺恨  
何當申陽臺愁絕如荒村高唐賦裏人如畫玉色顛顏元  
不嫁後來飢客眼長寒浪傳樂府吹復彈此事牽連到盪  
洛更憐塵機有無問君不見天孫住在銀濤許塵間猶作  
兒女語公家春風錦瑟倚莫為此圖虛斷腸

次韻王夷仲正字同遊成氏園

秀巖堂上玉東西把酒登臨望眼迷天宇四垂粘地近海  
山一抹帶潮低絕知客好無塵事聊記吾曾有醉題倚賴  
羣仙聯姓字他年誰敢一丸泥是日諸公令予題

送吳智叔檢詳直中秘使閩

抗章襍被豈公難已說高風立懦頑客路莫嫌河畔草  
廬須愛道家山秋生蓮浦船初泛春滿茶溪騎趣還却  
故人西府舊定煩書札吟田間

次韻韓無咎右司已汎湖

休沐良辰不待晴徑種蘭客此開行春衫欺雨任教冷  
眼得山元自明抹黛濃嵐圍坐晚揉藍新淥沒篙清  
未到催歸去想被東風笑薄情

王園官舍睡起

公退閉閣卧官居如浮舫屋角斷虹飲日西楊柳黃官來  
束我帶客去書滿床睡覺有忙事煮茶翻斷香

七月二日上沙夜泛

困倚船窓看斗斜起奈雨露滿天涯亭亭宿鷺明菰葉閃  
閃涼螢入稻花月下片雲應夜雨山根炬火忽人家江湖  
處處無窮景半世紅塵老歲華

長沙王墓在閩門外孫伯符

英雄轉眼逐東流百戰工夫土一杯蕎麥茫茫花似雪牧  
童吹笛上高丘

次韻耿時舉王直之夜坐

庭葉翻翻鬧燈花粟粟穠關山千里雁風雨滿城鐘隴上  
新登穀江頭舊熄烽今年吾計得安穩讀三冬

次韻馬少伊郁寂峰寄示同遊石湖詩卷三首

鏡面波光倒碧峰  
半湖雲錦萬芙蓉  
去年蕩槳香風裏  
行傍石橋花正濃

紅皺黃團熟暑風  
甘瓜削玉藕玲瓏  
身謀已落園丁後  
滿帽京塵日正中

得得來題小隱詩  
拂花縈柳畫船移  
湖邊好景春猶未  
須到秋清月滿時

與長文正夫遊北山

柳岸松門勝處通  
馬蹄踏霧入空濛  
春光有力欺遊子  
天色無情沒斷鴻  
雨脚遠連山脚暗  
杏梢斜倚竹梢紅  
駝裘擁鼻吾衰矣  
年少猶嫌料峭風

寓直玉堂拜賜御酒

歸鴉陸續墮宮槐  
簾幙參差晚不開  
小雨遂將秋色至  
長風時送市聲來  
近瞻北斗璿璣次  
猶夢西山翠碧堆  
慚愧君恩來甲夜  
殿頭宣勸紫金杯

李翬知縣作亭西湖上  
余用東坡語名之曰飲綠遂

爲勝槩

芷葺蓮巢喚客遊  
蘆鞭席帽爲君留  
未論吹水堪添酒  
且要移床學枕流  
乍霽却陰梅釀雨  
暫暄還冷麥催秋  
石湖也似西湖好  
煩向蒼烟問白鷗

送汪仲嘉待制奉祠歸四明分韻得論字

丹青碧海眇高騫  
厭直承明却自論  
寶馬十年聽漏箭  
扁舟一雨看潮痕  
侍臣想憶松門遠  
歸客還憐菊徑存  
清潤要非山澤相  
又煩一札下雲根

初約鄰人至石湖

窈窕崎嶇學種園此生丘壑是前緣  
隔離石上浮天水當戶山橫匝地烟  
春入葑田蘆綻筍雨傾沙斫竹垂鞭  
荒寒未辦招君醉且吸湖光當酒泉

刈麥行

菊花開時我種麥桃李花飛麥叢碧  
多病經旬不出門東陂已作黃雲色  
腰鎌刈熟趁晴歸明朝雨來麥帶泥  
犁田待雨插晚稻朝出移秧夜食麩

壬辰九月十六日侵晨真率會石湖路中書事

白葛烏巾稱老農溪南溪北水車風  
稻頭的饒粘霜露步入明珠翠網中

雙燕

底處雙飛燕銜泥上藥欄莫教驚得去  
畱取隔簾看

春日三首

藥欄花暖小猶眠雪白晴雲水碧天  
煮酒青梅寒食過夕陽庭院鎖鞦韆

西窓一雨又斜暉睡起熏籠換夾衣  
莫放珠簾遮洞戶從教燕子作雙飛

雙鯉無書直萬金畫橋新綠一篇深  
青蘋白芷皆愁思不獨江楓動客心

汴河

指顧枯河五十年龍舟早晚定疏川  
還京却要東南運酸棗棠梨莫蒼然

雷萬春墓

在南京城南環以小墳傍日忠勇雷公之墓

九隕元身不隕名言言千載氣如生欲知忠信行蠻貊過墓兒下馬行

宜春苑

孤塚穠溪滿路隅行人猶作御園呼連昌尚有花臨砌腸斷宜春寸草無

州橋

州橋南北是天街父老年年等駕廻忍淚失聲詢使者幾時真有六軍來

宣德樓

曉闕叢霄舊玉京御牀忽有羊鳴他年若作清宮使不挽天河洗不清

市街

梳行訛雜馬行殘藥市蕭騷土市寒凋帳軟紅佳麗地黃沙如雨撲征鞍

漸水

黃流日夜向南風道出封丘處處逢紫蓋黃旗在湖海故應河伯欲朝宗

舊滑州

大伾山麓馬徘徊積水中間舊滑臺漁子不知興廢事清晨吹笛掉船來

翠樓

連袵成帷迂漢官翠樓沽酒滿城歡白頭翁媪相扶拜垂老從今幾度看

臨洛鎮

竟日霜寒暮解圍融融黍柘染斜暉北人爭勸臨落酒云  
有棚頭得免歸

真定舞

紫袖當棚雪髯凋曾隨廣樂奏雲韶老來未忍看婆舞猶  
倚黃鐘袞六么

內丘梨園

汗後驚梨爽似水花身耐久老猶榮園翁猶似還三歎曾  
共翁身見太平

望都

荒寺疎鐘解客鞍由山東畔白煙寒望都風土連唐縣翁  
媪排門帶瘦看

安肅軍

從古銅門控朔方南城烟火北城荒臺家抵死爭漭樂滿  
眼秋蕪襯夕陽

燕賓館

九日朝天種落驪也將佳節勸盃盤苦寒不似東籬下雪  
滿西山把菊看

龍津橋

燕石扶欄玉雪堆柳塘南北抱城廻西山剩放龍津水畱  
待官軍飲馬來

自石林回過小玲瓏巖竇益奇昔爲富人吳氏所有

今一子尚幼檢校於官

一丘乃中虛洞穴四無礙卻略巖岫杳黝斜石狀怪蒼牛  
飲前池碧罅澗微瀨雕鏤具百巧圖畫窘千態哀湍寫壞



石澗詩錄 三十一  
磴凍雨濕空翠疎梅照草棘瘦竹枝蹊隧當時閭子目  
力有塵外孤童貌難料奇事疑有待誰歟千金捐來換把  
茅蓋不仙亦足豪衆垤皆累塊我評北山遊絕勝此無對  
玲瓏詎可小孰能爲之大

乾道己丑守括被召再過釣臺自和十年前小詩刻  
之柱間後五年自西掖帥桂林癸巳元日雪晴復  
過之再用舊韻三絕

浮生渺渺但飛埃問訊星官又獨來天上人間最高處爲  
君題作鬱蕭臺  
拙疎何計補涓埃慚愧雙旌去又來三過溪門今老矣病  
無脚力更登臺

界天山雪淨黃埃江上扁舟夜泛來匝地東風勸椒酒山

頭今日是春臺

豫章南浦亭泊舟二首

繡檻臨滄渚牙檣插暮沙浦雲沉斷雁江雨入昏鴉野曠  
天何近春寒歲未華朝來風一席隨處且浮家  
閨歲花光晚霜朝草色荒趁墟猶市井收潦再耕桑客路  
東西懶江流日夜忙長歌情不盡一酌酌滄浪

清江臺在臨郡西岡上張安國題榜

南來富壽岡春勝此蟠結岑嶠戴南臺欄檻了風月蕭灘  
曳長煙貝闕爛殘雪江流當帶橫練浮木末天風來無  
鄉萬里吹醉纈登臨信奇事忍凍亦癡絕故人春夢覺遺  
墨秋蛇掣浮雲真可哈揮觥酌空澗

初入湖南醴陵界

崖柳陰陰夾暝途  
出山歡喜見平蕪  
一春客夢飽風雨  
行盡江南聞鷓鴣

醴陵驛

綠水橋邊縣門前  
柳已黃人稀山木壽  
土瘦水泉香乍脫  
泥中滑還嗟埃子長  
櫛洲何日到鼓枻上  
滄浪

初見山花

三日晴泥尚沒鞞  
幾將風雨過年華  
湘東二月春纔到  
恰有山櫻一樹花

湘江舟尾快風挂帆

船頭雪浪吼奔雷  
十丈高帆滿意開  
我自只憑忠信力  
風世情來兒童屢  
惜峰巒過將士猶  
教鼓角催天柱去  
更煩先捲亂雲堆

泊湘江魚口

印時

檣竿遊子奔波自  
鮮歡趁客賣魚雙  
漿

小旗寒瀟湘潭似  
日南落嶽麓已從  
天外看

前收百丈卧聞三  
老報平安

馬鞍驛飯罷蹤步

食飽勅與馬散策  
步前岡意行踏芳  
草蕭艾蒼生香春  
甚寂寥山桃帶松  
篁游蜂入菜花此  
豈堪蜜房今年  
遲柘葉分寸長好  
晴纔數日樂事未  
渠央

黃罷嶺

薄宦每違已茲行  
遂登危峻仄盪胸  
立恍若對鏡窺傳  
半空響濛濛上烟  
霏木末見前驅可  
望不可追有頃身  
及之白雲叵攬擷  
但覺沾人衣

慈

龍嶺新蕙春禽斷不到惟有蜀魄啼  
鉏犁山農如木客上下翔以飛  
室空了無處恐尚樽東樓  
生死安煖燬

衡水之間山路艱澁薄晚吏卒閱云漸近祈陽路已  
平夷皆有津津之色  
路方清夷

暮入黃泥谷春江梨花月歸夢恍在目  
杜宇叫高木凹中泥沒蹀凸處石齧足

想見肩輿僕衡陽復祈陽可暫不可宿晚來出前岡路  
坦亭埃促將士走相賀喜色如膏沐人生本無悶逆境要  
先熟不從憂患來安識平為福夷途不常遇歷險始知足  
書浯溪中興碑後 并序

乾道癸巳春三月余自西掖出守桂林九日渡湘江

浯溪摩娑中興石刻洎唐元和至今遊客所題竊謂四  
詩各有定體頌者美盛德之形容以其成功告于神明  
者也商周魯之遺篇可以槩見今元子乃以魯史筆法  
婉辭含譏蓋之而章而後來詞人復發露之則夫磨崖  
之碑乃一罪案何頌之有竊以五十六字刻之石傍與  
來者共商略之此  
相詬病者謂不合題破  
次山此亦習  
越拘學之見耳余義正詞直  
不暇卹也

丰容寧有刺譏辭絕憐元子春秋  
清廟詩歌詠當著琴搏拊策書自管鑿純疵  
筆剛題破從此磨崖不是碑

宿清湘城外田家

驪馬力猶彊奏牀身始疲淨淨雲拂帳瀉瀉水鳴鑿  
燈前夢閒尋道上詩湘中多夜雨客枕最先知

次韻郭季勇機宜雪觀席上留別

絕勝尊前萬事休縱非吾土且登樓山迎雨脚俄  
約江聲欲倒流野水新堪添酒面夕陽依舊滿簾鈎凭欄  
從此遲歸鞅能及中秋對月不

次韻許季韶通判雪觀席上

把酒臨風瑞露傾瓊漿何用謁雲英捲簾雨脚銀絲挂倚  
杖江頭綠漲生嶺海一涼蘇暑病山林千籟試秋聲茲  
奇絕忘羈宦慚愧烟中短棹橫

送周直天教授歸永嘉

青燈相對話儒酸老去鷓遊自鮮歡昨夜榕陰三十

朝桂嶺十分寒知心海內向來少解手天涯良馬  
不須論聚散少焉吾亦跨征鞍

贈趙廉州

馬羣雜踏草蒙茸刮目權奇一洗空天末也  
寒聊得酒尊同梅花夜夜湘南雨榕葉年年  
佳晴看山去玉簫高插翠雲叢

食罷書事

甲子霖泔雨東南濕蟄風荔枝梅子綠荳蔻杏花紅  
蠻茶快扶頭老酒中荒隅經歲客土俗漸相同

次韻平江韓子師侍郎見寄三首

自古四愁湘水深誰將城郭啓山林有情碧嶂團  
數朱樓縹緲臨岫鼓揭天驚客座象登航海厭蠻琛三千

石湖詩錄 三十一  
客路長安遠故舊書來直萬金

霧泉杖屨浙江頭經濟長懷尚典州堂上讀書朝氣爽臺  
前呼月海光浮交情尺素勤雙鯉筆力枯松挽萬牛已把  
三章翻樂府爲君擊節變蠻謳

前年衝雪過雙溪風帽泥韉騎吹隨爛醉依前逢錦瑟好  
音誰是欠黃鸝功名未試玉璫瑛離別頻傾金屈卮疇昔  
北征煩吉夢南征合有夢征時

水鄉酌別但能之主管能之將過石康

南郭河橋市井喧綠荷香處有江天一簾梅雨鱸煙外三  
疊陽關燭淚前馬耳西山君並海船頭北渚我歸田後期  
直恐參商似且醉金槽四十絃

燕堂書事

歲稔齋鈴闕年深屋脊摧狎爭雷瓦過燈化雨窓來盡日  
風長籟無時地不梅耳邊情話少笑口若爲開

酒邊二絕

團扇香中嫋嫋風斷腸聲裏看羞紅不須過處催乾盞聽  
徹歌頭盞自空

日長綉倦酒紅潮閒束羅巾理六幺新樣築毬花十八丁  
寧小玉謾吹簫

甘雨應祈三首

晚稻成苞未宥肥鶉鳩啼曉雨來時黃紬被冷初眠覺先  
向芭蕉葉上知

秋日雖蒙霽露沾泥塵終恨太廉纖今朝健起巡簷看恰  
似廬山看水簾

高田一雨免飛埃上水網船亦可催說與東江津吏道打  
量今晚漲痕來

畫工季友直爲余作水天桂海二圖水天畫使北

渡黃河時桂海畫佛子遊巖道中也戲題

許國無功浪着鞭天教飽識漢山川酒邊蠻舞花低帽夢  
裏胡笳雪沒羈收拾桑榆身老矣追隨萍梗意茫然明朝  
重上歸田奏更放岷山萬里船

甲午除夜猶在桂林念至一弟使 今夕當宿燕山

會同館兄弟南北萬里感悵成詩

把酒新年一笑非鵲鴿原上巧相違墨濃雲瘴我猶住席  
大雪花君未歸萬里關山燈自照玉更風雨夢如飛別離  
南北人誰免似此別離人亦稀

乙未元日用前韻書懷今年五十矣

浮生四十九俱非樓上行藏與願違縱有百年今過半別  
無三策但當歸定中久已安心竟飽外何須食肉飛若使  
一丘并一壑還鄉曲調盡依稀

再用前韻時被命帥蜀

休論今昨總皆非世味誠甘與我違蜀道雖如履平地杜  
鵬終勸不如歸三冬自若生毛穎一夢徵官陪蟹飛夜久  
南枝翻倦鵲芒芒月白衆星稀

施元光在崑山病中遠寄次韻答之

四海飄蓬客舍邊幾多雲水與風煙絕無旅力驅長轡空  
有孤忠誓大川參井忽隨征馬上斗牛應挂故山前親交  
情話如何許詩到天涯喜欲顛

鐸背

導江自海陽至縣迺瀾迤狂瀾既奔傾中流遇鐸背分爲  
兩道開東灘北湘水至今舟楫利楚粵經萬里人謀敘天  
造史祿所經始無謂秦無人虎鼠用否耳紫藤纏老蒼白  
石瀟清泚是間可作社牲酒百世祀修慶者誰歟配以臨  
川李

清湘縣郊外雜花盛開有懷石湖

午行清湘縣妍暖春事嘉柴關鬧桃李冥冥一川花故園  
豈少此愈此百倍加我寧不念歸顧作朱木鴉百年北窓  
涼安用天一涯君恩重喬嶽敢計征路賒鄉心與官身繫  
柄方聲牙橘袖走珍貢何如繫匏瓜明當復露奏天日臨  
幽遐倘許清河使曳尾還汗邪

珠塘

林茂鳥鳥急坡長驢坐輿猶足痺負笈想肩頰廢廟  
藤遮合危橋竹織成野行役苦隨處有柴荆

題湘山大施堂

重倚春林淚竹枝南遊風物鬢成絲難尋桂海千峰夢更  
了湘山一段奇來去別無心外法行藏休問塔中師若論  
大施門前事竿木遊場且賦詩

溪溪舖中二絕追路寄呈元將仲顯二使君

賀州歸去柳州還分路千山與萬山把酒故人都別盡今  
朝真箇出陽關  
祇有南風捲路塵斷無南客送車輪故人合在瀟湘見却  
見瀟湘別故人

湘口夜泊南去零陵十里矣營水來自營道過零陵  
下湘水自桂林之海陽至此與營會合爲一江

我從清湘發源來直送湘流入營水故人亭前合江處暮  
夜檣竿矗沙尾卻從湘口望湘南城郭山川恍難紀萬壑  
千巖詩不徧惟有蒼苔痕屐齒三年瘴霧亦奇絕浮世登  
臨如此幾湖南山色夾江來無復瑤簑插天起陂陀狼石  
蹲清漲淡蕩光風浮白芷騷人魂散若爲招傷心極目春  
千里我亦江南轉蓬客白鳥愁煙息故壘遠遊雖好不如  
歸一聲鷓鴣花如洗

題嶽麓道卿臺

山外江水黃江外滿城綠城外杳無際天低到平陸長煙  
貫楚尾遠勢帶吳蜀故園東北望遊子欄干曲

連日風作洞庭不可渡出赤沙河

金沙堆前風未平赤沙河邊波不驚客行但逐安穩去三  
十六灣漲痕生滄洲寒食春亦到荻芽浚碧萼芽青汨羅  
水飽動荆渚嶽麓雨來昏洞庭大荒無依飛鳥絕天地惟  
有孤舟行慷慨悲歌續楚些彷彿幽瑟迎湘霧黃昏慘淡  
蟻極浦雖有漁舍無人聲冬湖落濡此暫住春潦怒漲隨  
傭耕吾生一葉寄萬里况復搖落浮滄溟漁蠻尚自有常  
處羈宦方汝尤

泊衡州

客裏仍哦對雨吟夜寒星月曉還陰空江十日無春事船  
到衡陽柳色深

步入衡山



石澗詩錄 三十五  
應有人家住隔溪綠陰亭午但聞鷄松根當路龍筋瘦竹  
筍滿山鳳尾齊墨染安雲猶似瘴絲來小雨不成泥更無  
騎吹喧相逐散誕閒身信馬蹄

四明人董嶧久居嶽市乞詩

祝融峰下雨逢春雨宿風食老病身莫笑五湖萍梗客海  
邊亦有未歸人

鼎湖

漂泊離巢燕彎跼負殼蝸瘦嫌莞席硬老覺畫屏奢報道  
帆當落傳呼鼓已搗且投人處宿未到已聞暮

安鄉縣西晚泊

水澗鳥鳥倦墟寒僮僕飢一灣村縣過百折暮江遲曉夢  
孤燈見春陰病骨知簡書寧不畏旅力奈先疲

孫黃渡

捨舟從陸更問關徑仄仍荒亦未乾棘刺近人牢閉眼泥  
塗兀馬緊扶鞍茶山盜藪路程惡麥隴人家懷抱寬擔僕  
輿夫盡劬瘁病翁那得更加餐

發荊州

初上蓬籠竹竿船始知身是劔南官沙頭沽酒市樓暖徑  
步買薪江墅寒自古秦吳稱絕國于今歸峽有名灘千山  
萬水垂垂老只欠天西蜀道難

虎牙灘

傾崖溜雨色慘淡水墨畫辛夷碎花懸瘰木老藤挂翠莽  
楚甸窮黃流蜀江下一灘今始嘗三峽此其亞雨點鼓士  
摻雲騰挽夫跨驚心度石林破眼見村舍牛眠草色裏犬

吠竹林鱗步頭可檣船安穩睡殘夜

初入峽山效孟東野

峽山偏而峻峽水湍以礫峽草如毳毛峽樹多樛枝峽禽  
惟杜鵑血吻日夜啼峽馬類黃狗不能長鳴嘶峽曉虎跡  
多峽暮人跡稀峽路如登天猿鶴不能梯僕夫負喁哭我  
亦呻吟悲悲吟不成章聊賡峽哀詩

蛇倒退

山前壁如削山後崖復斷向吾達隴首如海到彼岸那知  
下嶺處慄甚履冰戰牽前帶相挽縮後衣盡綻健倒轍尋  
丈徐行塵分寸上凝綠竹竿下劇滾金彈豈惟蛇退舍飛  
鳥望崖反稍喜一徑平猶有千石亂仍逢薪燒畝約略似  
耕畔心知人境近矚未百憂散山民茅數把鬼質犢子健  
腰鑿走迎客再拜復三嘆謂匪人所蹊官來定何幹倘爲  
飢火驅平地豈無飯意者官事迫如馬就羈絆我乃不能  
答付以一笑粲

大了隘

峽行五程無聚落馬頭今日逢耕鑿麥苗疎瘦豆苗稀椒  
葉尖新柘葉薄家家婦女布纏頭背負小兒領垂瘤山深  
生理卻不乏人有銀釵一雙插

麻線堆

峽日驛前大山崛起舊路攀援而上縈紆如線十五年  
前浮圖德寶始沿澗伐木作新路不復登山余觀峽路  
省未嘗經修感德寶之事作麻線堆詩一首以風夔路  
使者及歸峽二州長吏沈葉管熊四君

雲木盪胃起鬱峨一峰危上有路千折纏縷如縈絲是爲  
麻線堆厥險天下稀偏仄容半足顛墜寧復稽騰猿尚愁  
苦遊子將安之浮屠德寶者悲智緒等慈隨山刊古木尋  
窟得長磯輿梁捷飛度布石綿階梯自從新路改重趺無  
齋咨縣有孫少府琬琰劉文詞勿云此事小惟有行人知  
况觀峽山路由來欠平治官吏旣弗跡誰宥深長思天險  
固自若當令路成蹊土工運畚鍤石工操鑿椎烈火敗礮  
礮築沙填隙熾多用百夫力遠無五旬期但冀米鹽給不  
煩金幣支非客敢竊議道旁詢旄倪身雖雪山成亦願助  
毫釐工費嗟小哉政須賢有司東有管夷陵西有葉秭歸  
上維沈隱侯夔臺今吏師下維熊繹孫長材佐州麾豈吾  
金闈彥不如林下繻懸知議克合了此一段奇舟楫避潢  
潦置郵疾飛馳憧憧吳蜀客來往當無時仍磨鑿天石大  
書四賢詩不佞願秉筆遠繼峽口碑

判命坡

鑿天嶺上已飛魂判命坡前更駭聞側足二分垂壞磴舉  
頭一握到孤雲微生敢列千金子後禍猶幾萬石君早晚  
北窗尋噩夢故應含笑老榆枌

十石嶺

晨光挂高嶺晴色媚遠客哀湍吼叢薄宿霧裊絕壁露重  
蘚花紫風來蓬背白迷山朴渥跳飲澗於菟迹層巔多朽  
木連磴有飛石不知山幾重杳杳入叢碧

四十八盤

詰曲不前如宦拙欹傾當面似交難若將世路北山路世

路更多千萬盤

入梯歸界

山根繫馬得漿家  
架入窮鄉事可嗟  
蚯蚓崇人能作瘴  
菜蕒隨俗強煎茶  
幽禽不見但聞語  
野草無名都著花  
窈窕崎嶇殊未艾  
去程方始問三巴

歸州竹枝歌二首

東鄰男兒得湘纍  
西舍女兒生漢城  
郭如村莫相笑人  
家代閭似渠稀  
東岸艫船拋石門  
西山炊煙連白雲  
竹籬茅舍作晚市  
青蓋黃旗稱使君

巴東峽口

水宿頻欹側  
徒行又險艱  
舟危神女  
馬瘦鬼門關  
照夜

燒畚隴緣雲種  
斧山催成頭雪白  
休說鬻絲斑

初入巫峽

鑽火巴東岸  
樅金峽口船  
東江崖欲合  
激石水多漩  
卓午三竿日  
中閒一罅天  
偉哉神禹跡  
疏鑿此山川

巫山高 并序

余舊嘗用韓无咎韻題陳季陵巫山圖考宋玉賦意辨高堂之事甚詳今過陽臺之下復賦樂府一首世傳瑤姬爲西王母女嘗佐禹治水廟中石刻在焉濕雲不收煙雨霏峽船作灘梢廟磯杜鵑無聲猿呌斷惟有飢鴉迎客飛西真功高佐禹跡斧鑿鱗皴倚天壁上有瑤簪十二尖下有黃湍三百尺蔓花蚪木風煙昏薜珮翠帷香火寒霧旂飄忽定何許時有行人開廟門楚客詞章

元是諷紛紛餘子空嘲弄玉色頰頰不可干人間錯說高唐夢

刺瀆淖 并序

瀆淖盤渦之大者峽江水壯則有之或大如一間屋相傳水行峽底遇暗石則瀆起已而下旋爲窩然亦未嘗有定處或無故突然而作叵測也舟行遇之小則欹傾大則與齋俱入險惡之名聞天下

峽江饒暗石水狀日千變不愁灘瀧來但畏瀆淖見人言盤渦耳夷險固有間仍于非時作未可一理貫安行方巖穀無事忽翻練突如湯鼎沸翁作茶磨旋勢迫中成窪怒濤外始暈已定稍安尉儵作更驚眩漂漂浮沫起疑有潛鯨噴勃勃駭浪騰復恐螿螿并篙師瞪視魄離戶呀雨汗透巡怯大敵勇往決鏖戰幸免與齊入還憂似蓬轉驚呼招竿折奔救竹竿斷九死船頭爭萬苦石上牽旁觀競薄水撇過捷飛電前余叱馭來山險固嘗徧今者擊楫誓豈復憚波面澎澎三峽長颯颯一葦亂旣微掬指忙又匪科頭漫天子賜之履江神敢吾玩但催疊鼓轟往助雙擄健

嘲峽石 并序

峽山江濱亂石萬狀極其醜怪不可形容舉非世間諸所有石之比走筆戲題且以紀異

峽山狼無情其下多醜石頑質賈憎垂傀狀發笑啞粗類墳壤黃沈漬鐵矢黑或如溝泥澆或似東壁圻堆疑聚廩粟侈若壞城甃槎牙鏤朽木狼籍委枯骼礪柯包羸蚌淋漓錮鉛錫縱紋瓦溝隴橫疊衣摺襞鱗皴斧鑿餘炊窳蹴

踏力云何清淑氣孕此謫詭跡我本一丘貉嗜石舊成癖  
端溪紫琳腴洮河綠沉色階冊截肪膩泗磬鳴球擊嵌空  
太湖底偶立韶江側真陽劃千巖營道劃寸碧倦遊所聞  
多未易一二籍竭來茲山下刺眼昔未覲或云峽多材奇  
秀鬱以積絕代昭君村驚世屈原宅東家兩兒女氣足豪  
萬國山石何重輕奚暇更融液我亦味其言作詩曉行客

勞畬耕 并序

畬田峽中刀耕火種之地也春初斫山衆木盡蹶至當  
種時伺有雨候則前一夕火之藉其灰以糞明日雨作  
乘熱土下種卽苗盛倍收無雨反是山多磽确地方力  
薄則一再斫燒始可藝春耕麥豆餅餌以度夏秋則粟  
熟矣官輸甚微巫山民以收粟三百斛爲率財用三四

斛了二稅食三物以終年雖平生不識秔稻而未嘗苦  
饑余因記吳中號多嘉穀而公私之輸顧重田家得粒  
食者無幾峽農之不若也詩以勞之

峽農生甚艱斫畬大山巔赤埴無土膏三刀財一田顧其  
穴居智占雨先燎原雨來亟下種不爾生不蕃麥穗黃剪  
剪豆苗綠芊芊餅餌了長夏更遲秋粟繁稅畝不什一遺  
秉得饜餐何曾識秔稻捫腹常果然我知吳農事請爲峽  
農言吳田黑壤腴吳米玉粒鮮長腰瓠犀瘦齊頭珠顆圓  
紅蓮勝彫胡香子馥馥蘭或收虞舜餘或自占城傳早秬  
與晚穞爛炊甌甌間長腰米狹長亦名箭子齊頭白圓淨  
如珠紅蓮色微赤香子亦名九里香  
斗米入數合作飯芳香滿案舜王稻焦頭無須俗爲薯  
甞種以與之占城種來自海南穞極秬禾價最賤以上皆  
吳中米不辭春養禾但畏秋輸官姦吏大雀鼠盜胥衆螟

石清言錄 四十一  
蠟掠刺增釜區取羸折緡錢兩種致一斛未免催租廠重  
以私債迫逃屋無炊烟晶晶雲子飯生世不下咽食者定  
游手種者長流涎不如峽農飽豆麥終殘年

巫山縣

自此復登陸至夔門縣前棹石灘最險登岸  
以過舟謂之盤灘城樓對高唐門此去瞿塘  
不百里縣人以郭西流石灘爲水信流石沒則斷  
嶺如馬矣

借馬巫山縣盤舟掉石灘梅肥朝雨細茶老暮烟寒門對  
高唐起江從灩澦難流堆三尺在旅夢一枝安

燕子坡

大山如牆缺小山如塚纍衆山直下看方知此峰危未末  
見夔峽一溝盜春泥中有天下嶮造化真兒嬉峰頂不湍  
笑舟中鬚成絲登高尚超覽况乃絕俗姿

夔州竹枝歌九首

五月五日嵐氣開南門競船爭看來雲安酒農麴米賤家  
家扶得醉人迴

赤甲白鹽碧叢叢半山人家草木風榴花滿山紅似火荔  
枝天涼未肯紅

新城果園連灤西枇杷壓枝杏子肥半青半黃朝出賣日  
午買鹽沽酒歸

瘦婦趁墟城裏來十五五市南街行人莫笑女粗醜兒  
郎自與買銀釵

白頭老媪簪紅花黑頭女娘三髻丫背上兒眠上山去採  
桑已閒當採茶

百衲畬山青間紅粟莖成穗豆成叢東平屯田秔米軟不  
到貧人飯甑中

白帝廟前無舊城荒山野草古今情只餘峽口一堆石恰似人心未肯平

灩澦如樸瞿塘滾魚復陣圖江水心大昌鹽船出巫峽十日汧流無信音

當筵女兒歌竹枝一聲三疊客忘歸萬里江邊有船到繡羅衣服生光輝

雲安縣

春暮子規少日斜紅鵠飛兩山多布水一鳥幾柴扉蚓吐

無窮壞人行不斷磯巴陽昨夜雨灘上水先肥杜子美詩云涪萬無

杜鵑雲安詩云終日子規啼今萬州界固不聞杜鵑而雲安已自少矣紅鵠飛時滿背純赤或云即黃鵠也峽中蚯蚓之盛無如雲安江濱漬壤最最無際又多大小石岸有一石長里許者杜子美詩云禹功多斷石其實甚長兩山間雨後瀑泉數十百處尤可觀

萬州

晨炊維下巖晚酌儀南浦波心照州榜雲脚響衙鼓前山

如屏牆得得正當戶西江朝宗來循屏復東去此萬州形勢也惟親

歷者當知此言之工官曹倚巖樓市井喚船渡瓦屋仄石墜猿啼關

人語別核杏餘酸連枝茶賸苦窮鄉固瘠薄陋俗亦寒窶

土人賣杏皆先剔其核取仁以為藥也土茶甚苦不簡枝葉雜菜煎之營營謀食艱寂寂懷

甄訴昔聞吏隱名今識吏隱處

峰門嶺遇雨泊梁山

窮鄉誰與話悲酸駐馬看雲強自寬酒力無端妨宿病詩

情不淺任塵官虎狼地僻炊煙晚風雨天低夏木寒行盡

峰門千萬丈梁山鼓角報平安

邛邛驛大雨



暮雨連朝雨長亭又短亭今朝騎馬怕平日繫船聽竹葉  
垂頭碧秧苗滿意青農疇方可望客路敢違寧

墊江縣

青泥沒僕頻驚黃漲平橋馬不行舊雨雲招新雨至高  
田水入下田鳴百年心事終懷土一日身謀且望晴休入  
中州爭米市暝鴉同宿墊江城

中子山又雨

百日籃輿困踟躕三晨汎坂兀躋攀晚晴幸自墊江縣今  
雨奈何中子山樹色于人殊漠漠雲容憐我稍班班如今  
只憶雪溪句乘興而來興盡還

鄰山縣

山頂噓雲黑似煙修篁高柳共昏然鳥啼一夜勸歸去誰

道東川無杜鵑

沒水鋪晚晴月出曉復大雨上漏下濕不堪其憂

晚色熹微暖似薰兒童歡喜走相聞無端星月照濕土依  
舊山川生雨雲

吳諺曰星月照濕上明朝依舊雨蓋雨後微晴星月燦然必復雨占之每驗旅

枕夢寒泔屋漏征衫朝潤冷鑪熏快晴信是行人願又恐

田家暴背耘

金山嶺

阪峻身頻偃崖深首屢回雲浮平地出路拂半天來但闕  
關山過都忘歲月催湘南初上馬猶插早春梅

明日至鄰水又雨

昨日方無雨今朝又不晴滿山皆展齒隨處有泉聲頗怪  
陰霖差應催老病成泥塗千騎士與我共勞生

望鄉臺

千山已盡一峰孤立馬行人莫疾驅從此蜀川平似掌更無高處望東吳

早晴發廣安軍晚宿萍池村莊

夜雨洗煩蒸曉風薦清穆雲頭墮鐵山日脚迸金瀑暑塗一日涼遠客萬事足羈人正奔波觀者何陸續翠蓋立巖粧青裙行跣足俗陋介南徼物華入東蜀竹萌苦已青藟子酸猶綠修蘆密成籬直栢森似蠹泥乾馬蹄鬆路坦亭堠速暮投何人莊窓戶暗修竹

巴蜀人好食生蒜臭不可近頃在嶠南其人好食檳榔合蠟灰扶雷藤一名蔓藤食之輒昏然已而醒快三物合和唾如膿血可厭今來蜀道又爲食蒜

者所薰戲題

旅食譜殊俗堆盤駭異聞南食灰薦蠟巴饌菜先輩幸脫蔓藤醉還遭葫蒜薰絲蓴鄉味好歸夢水連雲

小溪縣

麥千平壠橫槎一小溪梓花紅綻碎粟穗綠垂低村婦猶多跣山猿遂少啼東州雖已過錦里尚雲西

曉發飛鳥晨霞滿天少頃大雨吳諺云朝霞不出門暮霞行千里驗之信然戲紀其事

朝霞不出門暮霞行千里今晨日未出曉氣散如綺心疑雨再作眼轉雲四起我豈知天道吳農諺云耳古來占霧霏說者類恢詭飛雲走羣羊停雲浴三豨月當天畢宿風自少女起爛石燒成香汗礎潤如洗逐婦鳩能拙穴居狸

石湖詩金 四十五  
有智蜉蝣強知時商羊與聞計埴鳴東山鶴堂審南柯蟻  
或加陰石鞭或議陽門閉或云逢庚變或自換甲始刑鵝  
與象龍聚訟非一理不如老農諺響應捷如鬼哦詩敢夸  
博聊用醒午睡

九月十九日衙散回雷火將及幕屬飲清心堂觀晚

菊分韻

甲光射曾雲雨脚不敢到西山明古雪秋日一竿照先偏  
井絡密後拒參旗掉分弓滴博平鳴劔伊吾小君看天山  
箭狐兔何足了開邊吾豈敢自治有餘巧歸來翠帷卷聊  
共黃花笑雖無落帽風亦復接離倒餘閒校筆陣刻燭龍  
蛇掃毛錐乃更剪我亦鼓旗謀

冬至日銅壺閣落成

走徧人間行路難異鄉風物雜悲歡三年北戶梅邊暖萬  
里西樓雪外寒已辦鬢霜供歲籥仍拚髀肉了征鞍故園  
雲物知何似試上東樓且北看

十二月十八日海雲賞山茶

追趁新晴管物華馬蹄鬆快帽簷斜天南臘盡風晞雪冰  
下春來水激沙已報主林催市柳仍從掌故問山茶豐年  
自是驩聲沸更著牙前畫鼓槌

雨後東郭排岸司申梅開方及三分戲書小絕令一

面開燕

雨入南枝玉蘂皴合江雲冷凍芳塵司花好事相邀勒不  
著笙歌不肖春

鞭春微雨

簾勝絲絲雨笙歌步步塵一年新樂事萬里未歸人雲薄  
竟怪雪酒濃先受春送寒東作近慚愧耦耕身

丙申元旦安福寺禮塔

士女燃香挂幡以禳兵火之灾

嶺梅蜀柳笑人忙歲歲椒盤各異方耳畔逢人無魯語蜀

之音種難解其為京洛音轉謂鬢邊隨我是吳霜新年後

飲餘酥酒故事先燃宰猪香石笋新街好行樂與民同處

且逢場

初四日東郊觀麥苗

去歲秋霖麥下遲臘殘一雪潤無泥相將飽喫滄茫飯來

聽林間快活啼

櫻桃花

借暖衝寒不用煤勻朱勻粉最先來玉梅一見併羨小

向傍邊自在開

再出東郊

晚景增年慣官身作客諳大都緣偶熟豈是性能堪昔者

開三徑它時老一龕越溪親種竹芸綠想麤麤

上巳前一日學射山萬歲池故事

北郊征路記前迴三尺驚塵馬踏開新漲忽明多病眼好

風如把及時杯青黃麥隴平平去疎密禮林整整來遊騎

不知都幾許長堤十里轉輕雷

寶相花

誰把桑條夾砌栽壓枝萬朶一時開為君也著詩收拾題

作西樓錦被堆

石湖詩集 卷之四  
四月十日出郊

約東南風徹曉忙收雲捲雨一川涼漲江混混無聲綠蕪  
麥騷騷有意黃吏卒遠時閒信馬田園佳處忽息鄉鄰  
萬里應相念春晚不歸同插秧

曉詣三井觀

路轉市聲遠寬閒古城東適從紅塵來忽入蒼煙叢種心  
傾濃露芋葉翻微風秋陽澹籬落殘暑不必攻野老熟睡  
起日高首如蓬官身騎官馬君應笑龍鍾

秋雨快晴靜勝堂席上

一笑憧憧雁鶩行簿書堆裏賦秋陽心如墜絮沾泥懶身  
似飛泉激石忙雨後蹲鴟先稻熟霜前浮蟻鬪棖香天涯  
節物遞愁眼且復隨鄉便入鄉

新涼夜坐

吏退焚香百慮空靜聞蟲響度簾櫳江頭一尺稻花雨窓  
外三更萋葉風日日老添明鏡裏家家涼入短檠中簡編  
燈火平生事雪白眇昏奈此翁

秋老四境雨已沛然晚坐籌邊樓方議祈晴樓下忽

有東界農民數十人訴山田卻要雨須長吏致禱

感之作詩

歲晚羈懷有所思秋來病骨無甚知鏡中公案已甘老紙  
上課程休諱癡西堰頗聞江燕鳴東山猶說雨來遲錦城  
樂事知多少憂旱憂霖蹙盡眉

有懷石湖舊隱

浩蕩沙鷗久倦飛摧頹馬不勝鞿官中風月常虛度夢

裏關山或暫歸橘社十年霜欲飽鱸江一雨冰應肥冷雲  
著地塘蒲晚誰爲披簑暖釣磯

晚步宣華舊苑

喬木如山廢苑西古溝疎水靜鳴池吏兵憲宰番更後樓  
閣崔嵬欲暝時有露冷螢猶照草無風驚雀自遷枝歸來  
更了塵書債目青昏花獨穗垂

西樓秋晚

樓前處處長秋苔俛仰璿杓又欲回殘暑已隨梁燕去小  
春應爲海棠來客愁天遠詩無託吏案山橫睡有媒晴日  
滿窓鳧鷖散巴童來按鴨爐灰

明日分弓亭按閱再用西樓韻

眼看白露點蒼苔歲月飛流首屢回老去讀書隨志卻勝

中得句若飛來聞鷄午夜猶能舞射雉西郊不用媒自笑

支離聊復爾丹心元未十分灰

丁酉重九藥市呈座客

余于燕山首句云萬里漢家使桂林云萬里漢都護成  
都云萬里橋邊客今歲倦游賦此自戲

莫向登臨怨落暉自緣羈宦阻歸期年來厭把三邊酒此  
去休哦萬里詩烏帽不辭歌短髮黃花終是次東籬若無  
合坐揮毫健誰解西風楚客悲

十一月十日海雲賞山茶

門戶謹呼十里村臘前風物已知春兩年池上經行處萬  
里天邊未去人客鬢花身俱歲晚粧光酒色且時新海雲  
橋下溪如鏡休把冠中照路塵

二月一十七日病後始能扶頭

樓幕重簾苦見遮暮占棲雀曉占鴉殘燈煮藥看成老細  
雨鳴鳩過盡花心爲早衰元自化髮從無病已先華更蒙  
厲鬼相提唱此去山林屬當家

病中聞西園新花已茂及竹筴皆成而海棠亦未過  
梅塲桃蹊斫竹初三旬高卧信音疎春雖與病無交涉雨  
莫將花便破除祇合蘧蘧隨夢去何須咄咄向空書頗聞  
蜀錦猶相待去歲今朝已雪如

枕上

一枕經春似宿醒三衾投曉尚淒清殘更未盡鴉先起虛  
幌無聲鼠自驚久病厭聞銅鼎沸不取惟望紙窓明摧頽  
豈是功名具燒藥爐邊過此生

初履地

扶頭今日強冠簪餘燼收從百戰酣長脛閣軀如瘦鶴衝  
風奪氣似枯柗客來慵按懶殘涕老去寒同彌勒龕何處  
更能容結習任教花雨落甍甍

病起初見賓僚時上疏丐祠未報

浪將冠服衣猿狙因病偷閒稍自如時有好懷誇得句略  
無情語怕回書邊城晏閉休傳箭村巷春遊未荷鋤追北  
良辰公事少天恩儻許賦歸歟

三月十九日極冷

誰勒餘寒不放廻春深猶暖地爐灰鄉心忽向燈前動夜  
雨先從竹裏來躑躅已如鶯百轉餘醪那復雪千堆調糜  
煮藥東風老慚愧茶甌與酒杯

入崇寧界

桑間三宿尚回頭何況三年濯錦遊  
草草俾筒中酒處不知身已在彭州

懷古亭

朝來寫得故人書雙鯉難尋雁亦無  
付與離堆江水去解從俾縣到成都

過青城題索橋

以竹繩爲之

織篔勾鋪面排繩強架空染人高曬帛獵戶遠張罾  
薄薄難承雨翻翻不受風何時將蜀客東下看豳虹

上清宮

歷月捫參興未闌丹梯通處更躋攀  
冥蒙蜀道一雲氣破碎岷山千髻鬟  
但覺星辰垂地上不知風雨滿人間  
蝸牛兩角渾如夢更說紛紛觸與蠻

最高峰望雪山

大面峰頭六月寒神燈收罷曉雲班  
浮空忽湧三銀闕云是西天雪嶺山

青城縣何子方使君同年園池

橙橙芋隴意中行浩蕩薰風不計程  
雨脚背人歸玉壘江聲隨馬入青城  
五橋今日新知路千佛當年舊綴名  
水竹光中同一笑丐君荷露濯塵纓

次韻陸務觀編修新津遇雨不得登脩覺山徑過眉州三絕

脩覺一望可見劔門



送客多情難語離僕夫無情車載脂平生漂泊知何限少  
似新津風雨時

離合紛紛怕遠遊遠遊仍怕賦登樓何須一望三千里望  
盡西州轉更愁

雨後暮頤山色開坡璿江清已可盃綠荷紅芰香四合又  
入芙蓉城裏來

次韻陸務觀慈姆巖別二絕

送我彌旬未忍回可憐蕭索把離盃不辭更宿中巖下投  
老餘年豈再來

明朝真是送行人從此關山隔故情道義不磨雙鯉在蜀  
江流水貫吳城

坡璿江一首戲效陸務觀作

坡璿江頭春淥淡別時云云流到今祇言日遠易排遣不  
道相思翻苦心烏頭可自我可去舊花易青君易尋人生  
若未免離別不如碌碌無知音

余與陸務觀自聖政所分袂每別輒五年離合又常  
以六月似有數者中巖送別至揮淚失聲畱此爲

贈

宦塗流轉幾沉浮雞黍何年共一丘動輒五年遲遠信常  
于三伏話羈愁月生後夜天應老淚落中巖水不流一語  
相聞仍自解除書聞已趣刀頭

萬景樓

山谷來遊時未有此樓也

左披九頂雲右送大峨月殘山剩水不知數一一當樓供

勝絕玻璃濯錦遙相通指麾大渡來朝宗川霽胥命各東  
去我亦順流呼短蓬詩無傑語慙風物賴有丹青傳小筆  
仍添書客倚欄看今與山川相映發龍彎歸路遠烏尤棟  
雲簾雨邀人畱若爲喚得涪翁起題作西南第一樓

問月堂酌別

半明燈火話悲酸此會情知後會難四海宦遊多聚散一  
生情事足愁歡鬢絲今夜不多黑酒量微明無數寬醉夢  
登舟都不記但聞風雨滿江寒

別後寄題漢嘉月榭

同年陸務觀所作

隱吏詩情卜築幽同年惜別勸淹畱試傾萬景湖亭酒來  
看半輪江月秋川路雖長猶共此夜船空載且歸休碧巖

勝處頻回首好事誰能更小樓

峨眉縣

窮鄉未省識旌旄雞犬驩呼巷陌騷村媪聚觀行績布野  
翁迎拜踞然蒿泉清土沃稻芒早縣古林深槐瘦高珍重  
里儒來獻頌盛言千載此丘遭

初入大峨

煙霞沈痼不須醫此去真同汗漫期曾欵上清臨大面仍  
從太白問峨眉山中緣法如今熟世上功名自古癡臍作  
畫圖歸挂壁它年猶欲卧遊之

八十四盤

冥鴻無伴鶴孤飛回首塵籠一笑嬉八十四盤新拄杖萬  
千三乘舊牙旗石梯碧滑雲生後木葉紅斑雪霽時說與

同行莫惆悵人間捷徑轉欽熾

婆羅平

仙聖飛行此是家路逢真境但驚呀神農嘗外盡霧藥天  
女散餘多異花嵐雨逼衣寒似鐵水泉炊米硬于沙蜂頭  
事事殊塵世缺甃跳梁笑井蛙

息佛亭曉望

栗烈剛風刮病眸登臨何管緩千憂界天暑雪青城外匝  
地晴雲瓦屋頭浩蕩它年誇北客蒼茫何處認西州千巖  
萬壑須尋徧身是江湖不繫舟

健爲江樓

河邊堵立看歸篷三老開頭暮欲東漲水稠灘連峽內淺  
山浮石似湘中無人驛路榛榛草有客江樓浩浩風種落

塵稍少公事賸裁新語寄詩筒

縣令能詩者

題譚德稱扇

蠻風吹雨瘴江肥短草荒山鳥不飛盡是瀘南腸斷句如  
今分與故人歸

題楊商卿扇

君歸我去兩銷魂愁滿千山鎖瘴雲後夜短檠風雨暗誰  
能相伴細論文

發合江數里寄楊商卿諸公

臨分滿意說離愁草草無言祇淚流船尾竹林遮縣市故  
人猶自立沙頭

過江津縣睡熟不暇梢船

西風扶艣似乘槎水濶灘沉浪不花夢裏竹間喧急雪覺

來船底哀鳴沙

涪州江險不可泊入黔江橫舟

黃沙翻浪攻排亭瀆淖百尺呀成坑坳窪眩轉久乃平一  
渦髮帖于渦生篙師絕叫駸川霧鳴鏜飛渡如奔霆水從  
岷來如濁漑夜榜黔江聊濯纓玻璃徹底鏡面平忽思短  
棹中流橫釣絲隨風浮月明

妃子園

涪陵荔子天寶所貢

露葉風枝驛騎傳華清天上一嫣然當時若識陳家紫何  
處蠻村更有園

下巖

疇昔中巖一夢殘下巖風景亦高寒峽中無處堪停棹雨

後今朝始凭欄不用苦求毫相現愁教長挂水簾看山僧  
勸我題蒼壁坡谷前頭未敢刊

夔門卽事

夔水不可飲取之卧龍十里之外

峽行風物不堪論伴暑驕陽雜瘴氛人入恭南多附贅山  
從夔子盡侵雲竹枝舊曲元無調麴米新芻但有聞試覓  
清冷一杯水筒泉須自卧龍分

瞿唐行

七月十九日至夔子滄瀨徹髮不可犯是夜水漲及山  
腹詰旦視灩澦則已在水中土人云此青草齊也可以  
冒險而入遂鼓棹略其頂而過郡中遣候兵立山上每  
一舟平安則搖幟以召後舟白鹽赤甲皆峽口大山黃

石湖詩金 五十五  
嵌黑石皆峽中至險處入峽西岸有聖泉舟人或向之  
疾呼曰人渴也泉卽迸下杯許復乾余舟過甚急未之  
試也

川霧知我歸有程一夜漲痕千丈生中流擊楫洶作氣夾  
峰旗鼓呀失聲不知灩澦在船底但覺瞿唐如鏡平鑿峽  
疏川很石破號山索飲飛泉驚白鹽赤甲轉頭失黑石黃  
嵌拚命輕草齊增肥無泊處竹枝凝葉空餘情人間險路  
此奇絕客裏驚心吾飽更劒閣翻成蜀道易請歌范子瞿  
唐行

鄂州南樓

誰將玉笛弄中秋黃鶴飛來識舊遊漢樹有情橫北渚蜀  
江無語抱南樓燭天燈火三更市搖月旌旗萬里舟卻笑  
江垂釣手武昌魚好便淹留

梅根夾

辛苦凌波棹平安入夾船月明漁浦網風側瓦窰煙老圃  
容挑菜村巫橫索錢且投入處宿終夜得佳眠

將至吳中親舊都來相迓感懷有作

望見家山意欲飛古來燕晉一沾衣回息客路豈非夢乍  
聽鄉音真是歸新事略從年少問故人差覺坐中稀不須  
更說桑榆暖霜後鱸魚也自肥

淳熙五年四月二日直宿玉堂懷舊二絕句

桂海冰天老歲華直廬重上玉皇家當年曾識青青鬢惟  
有東墻一架花

雪山刁斗不停搗夜把軍書敢顧家珍重玉堂今夜夢靜

聞宮漏隔宮花

初歸石湖

曉霧朝暎紺碧烘橫塘西岸越城東行人半出稻花上宿  
鷺孤明菱葉中信脚自能知舊路驚心時復認鄰翁當時  
手種斜橋柳無限鳴蜩翠掃空

贈舉書記歸雲山

一枕清風四十霜孤生無處話淒涼相看只有龐眉客還  
在雲丘舊草堂

四股澗松震斧碎十圍巖桂燒痕枯不知階下跳珠處舊  
竹春來有筍無

青山面目想孤依水石風林入夢思白髮蒼顏心故在只  
如當日看山時

題查山林氏庵

庭戶清深宅翠微雪如佳壁喚題詩煙梢蠹蠹青圍屋露  
葉鮮鮮綠滿籬宿雨一春纔泚鴨平蕪幾日已藏碑山僧  
見客如枯木疑是嬾殘南嶽師

木瀆道中風雨震雷大作

惡風奔雲何壯哉溪水欲立山欲摧石岸迸裂纜邊樹胡  
牀動搖船底雷靈巖塔後雨脚挂胷口廟前浪花來篷漏  
衣沾不足惜酒瓶傾側愁空壘

光福塘上

指點炊烟隔莽蒼午餐應可寄前莊鷄聲人語小家樂木  
槩草花深巷香春去已空衣尚絮雨來何晚稻初茫祗今  
農事村村急第一先陂貯水塘

秋前風雨頓涼

秋期如約不須催  
雨脚風聲兩快哉  
但得暑光如寇退  
不辭老景似潮來  
酒杯觸撥詩情動  
書卷招邀病眼開  
明日更涼吾已卜  
暮雲橫作亂峰堆

曉起聞雨

老年稍喜睡魔清  
兀坐枯株聽五更  
蕭索輪囷憐燭燼  
飛揚跋扈厭蚊聲  
登高事了從教雨  
刈熟人忙卻要晴  
莫道西成便無慮  
大須濃日晒香秔

嘲蚊四十韻

暑魃方肆行羽孽亦厲習  
宵翹極么麼坎北累闕翕濕生  
同糞蝸腐化類宵熠初來鬧郭郭  
少進亘原隰嚶如蠅聲  
慶聚若蝨羽緝俄為隱雷閩逐作蜜霰集口銜鋼鉞鋒力

洞衲衣襲啾聲先計議  
著肉便成吸玄豹猶未定卓錫已  
深入血隨姑嘍升勢甚馳轡汲沉酣  
尻益高飽滿腹漸急  
晶晶紫蟹眼滴滴紅飯粒拂掠倦體煩  
爬搔痒肌澀救東不虞西擒一已窠  
十新癩莖依宿暈斑爛池竟夜眠長  
轉連牀歎於悒云何人戚欣其汝張歛驅以葵扇風熏  
以艾烟濕繁長鎮藏遮帳隙惡耳火攻憚穢臭手拍嫌  
腥汁伏翼佐掃除網蛛助收拾薄暮洵交攻  
大明訂未戢牛革厚逾氈蠶介鉅勝釵遺汝尚欲困嗟人  
何以給夏蟲雖衆多罪狀相百什蜂蠆豈房權蠛蠹但禪褶  
羊羶蠹登狙驥逸蝨附鬲蠓惟舞醯瓮蠹止祟書袞蚤為鴿  
所撮蠅亦虎能執彼愆可貫死汝罪當獻級涼颯倏然至醜類殆  
哉岌一吹嘴吻破再鼓翅翎繫三千頡利百萬走尋邑

快哉六合內茂有一塵立虛空既清涼家巷得寧輯雞窓  
覆可誦蛩機曉猶織雨簾繡浪卷風燭淚珠泣客來添羽  
鶴入靜拂塵笈恍還神明觀似啓坏戶蟄消長誰使然智  
力詎能及

晚步吳故城下

意行殊不計榛管風袖飄然勝羽翰拄杖前頭雙雉起浮  
圖絕頂一鷗盤醉紅匝地斜曛暖熨練涵空漲水寒卻向  
東阜望烟火缺蟾先映樹林丹

北山堂開爐來坐

困眠醒坐一龕多竹洞無關斷客過貪向爐中煨楮袖嬾  
從掌上看菴摩間無雜念惟詩在老不甘心奈鏡何八萬  
四千安樂法元無秘密可伽陀

北城梅爲雪所厄

凍藥粘枝瘦欲乾新年猶未有春看雪花祇欲欺紅紫不  
道梅花也怕寒

浙東舟中

處處種樊圃家家桃廡門魚鹽臨水市烟火隔江村雨過  
張說重潮來汲井渾彎跽短篷底休說雨朱旛

袁門外觀刈熟民間租米船相銜入城喜作二絕

窮年絕望無煙日日文書橫索錢今日甬東官况好東  
津門外看租船

似香門九月天  
重陽九經堂作



俗聞佳節自匆匆老去愁秋又客中青嶂卷簾三面月黃  
花吹鬢幾絲風十年故國新栽柳萬里他鄉舊轉蓬誰與  
安排今夜夢片帆飛到小籬東

大廳後堂南窓負暄

萬竅無聲海不波一窓油紙暮春和醉眠陡覺鬣鮓贅圍  
坐翻嫌楫楸多水暖玉池添噉嚙花生銀海費揩摩端如  
擁褐茅簷下祇欠烏鳥擊缶歌

晚步北園

刮地晴飈退海痕出門無扇可障塵麥黏瘠土何時雪梅  
慘疎林昨夜春  
天鏡風煙疑夢事鬢霜時節尚官身  
裹章束帶朝還暮慚愧青鞋紫領巾

春前十日作

臘後猶餘十日春官忙長愧百年身雪催未動詩無力愁  
遣還來酒不神節物何曾欺老病書生自慣說悲辛終朝  
羸促成何事今古紛紛一窖塵

懷歸寄題小艇

日出塵生萬劫忙可憐虛費隙駒光若教閒裏工夫到始  
覺淡中滋味長歲晚角巾思芋栗年來手版愧耕桑松風  
蘿月須相信春水淡時上野航

元日

老來百味絮沾泥期會關身尚火馳幾夜鄉心欹枕處今  
年脚力上樓時酒缸幸有乾坤大丹鼎何憂日月遲莫道  
神仙無可學學仙猶勝簿書癡

體中不佳偶書

生平人比似維摩試比厄孱不啻過舊摘衰髯今雪徧頻  
措病眼轉花多從來世味聊復爾此去官身如老何收拾  
頽齡加藥餌尚堪風月對婆娑

坐嘯齋書懷

老來窮苦事相違兀坐鈴齋竟日癡眼目昏緣多押字胸  
襟俗爲少吟詩月侵燈影吏方去春遍梅梢官未知直待  
食新方紱帶明朝馬騎問陵陂

致一齋述事

文書煙海困浮沉不覺盤跚百病侵偶問客年驚我老忽  
聞鸞語歎春深今朝麥粒黃堪麪幾日秧田綠似針除卻  
一犁春雨足眼前無物可關心

曉起信筆

曉汗如洗曉櫛氣稍蘇莎蛩試風露滿意鳴相呼倦客  
感節物流光不躊躇秋聲已如許殘暑何足驅人言今歲  
熱迥與常歲殊此理恐未然豈不知頭顱年年有三伏日  
日非故吾婆娑今尚可後當彌不如病骨須一涼未暇惜  
居諸坐來有清思西風搖井梧

重九賞心亭登高

憶隨書劔此徘徊投老雙旌重把杯綠鬢風前無幾在黃  
花雨後不多開豐年江隴青黃徧落日淮山紫翠來飲罷  
此身猶是客鄉心却附晚潮回

春晚

荒園蕭瑟懶追隨舞燕啼鶯各自私窓下日長多得睡樽  
前花老不供詩吾衰久矣雙蓬鬢歸去來兮一釣絲想見

羅東春漲動小舟無伴柳絲垂

重九獨坐玉麟堂

近上西風動所思又將清賞負東籬年年客路黃花酒日  
日鄉心白鴈詩籠月秦淮無舊曲馳烟鍾阜有新移人生  
笑口真稀濶况值官忙閔雨時

公退書懷

昨者騰章奏發倉今茲飛檄議驅蝗四無告者僅一飽七  
不堪中仍百忙皦日自能臨俯仰浮雲寧解制行藏求田  
問舍亦何有歲晚倦遊思故鄉

癸卯除夜聊復爾齋偶題

五夜燈花重東風角韻來雪慳衣未續春作句多梅寂歷  
羅門亞溫磨藥鼎煨老嫌新歲換病喜舊星回鬱壘先題

板屑蘇後把杯書屏無健筆爆竹有寒灰錫鑠牙難膠椒  
盤眼倦開陳人仍憊卧身世兩悠哉

甲辰人日病中吟六言六首以自嘲

攢眉輒作山字嗽耳惟聞水聲人應見憐久病我偏自厭  
餘生

目慌慌蟻旋磨頭岑岑鼇負山筆牀久已均伏藥鼎何時

丐閒

政爾榮枯衛溢剛云人厄天窮歸咎四衝臨歲乞將九曜

過宮

復吉旣愆七日泰來惟俟三陽曆日今頒寅正占星更候  
農祥

有日猶嫌開牖無風不敢下簾報國丹心何似夢中抵掌

瓶花

壯歲喜新節物老來惜舊年華病後都盧不問家人時換

瓶花

上元紀吳下節物排諧體三十二韻

斗野豐年屢吳臺樂事并酒壚先疊鼓歲後即應亭先擊鼓不已以迎節意

燈市蚤投瓊臘月即有燈市珍奇者數人釀價喜膏油賤

祥占雨雪晴質簪仙子洞坊巷燈以連枝竹縛苗苗化人

城蓮花燈橋炬疑龍見置一人接竹危檣之表

橋小家厖獨踞燈高閑鹿雙撐燈屏展輝雲母琉璃簾垂

晃水精琉璃萬窓花眼密萬眼燈以碎羅紅白相間十

隙玉虹明琉璃花亦妙天下一隙映簷葡萄房桂燈葡萄綠

蔓紫葡萄方纒繡史冊生絹糊方燈書史冊圓魄綴門衡

燈琉璃燭鵬空穩小推毬袞地輕大映光魚隱見

養魚以燈映之轉影騎縱橫馬輕薄行歌過顛狂社舞

星民間大抵以滑稽取笑村田簞笠野村街市管絃

清街市里巷分題句每里門作花燈官曹別扁名額多以

燈或照早船遙似泛夾道陸行為鏡渡水偶近如生水戲

燈鉗赭裝牢戶燈啾啾繪樂棚山棚多畫一時堵觀瑤席

盜喝道綺叢爭禁鑰通三鼓歸鞭任五更桑蠶春繭勸春

自臘月即入食次花蝶夜蛾迎大白蛾花無貴賤悉鬼子

描丹筆紅畫鴨子鵝毛剪雪英剪鵝毛為雪花寶糖珍柜

妝鏡指吳中謂之美烏膩美飴俗言能去烏膩粉團

藥意子熬稗膈膈聲炒糯穀以俗名寺筵筭巫志怪香

火婢輸誠俗謂正月百草需故帚帚卜拖裙驗故帚繫

詩落筆驚即古紫姑今謂之大仙微如針屬尾以針姑卜相屬為兆同其尾賤及葦分莖葦莖分合為卜名葦姑未俗難訶止佳辰且放行此時紛僕馬有客靜柴荆幸甚歸長缺居然照短檠生涯惟病骨節物尚鄉情倚摠成排體咨詢遠里昨誰修吳地志聊以助譏評

曉枕三首

煮湯聽成萬籟添被知是五更陸續滿城鐘動須更後巷雞鳴

卧聞赤脚鼾息樂哉栩栩蘧蘧病夫心口相語何日佳眠似渠

舒慘常隨天氣關心窓暗窓明日晏扶頭未起喚人先問陰晴

喜雨

昨遣長鬚借踏車小池須水引鳴蛙今朝一雨添新漲便合翻泥種藕花

風止

收盡狂飈卷盡雲一竿晴日曉光新柳魂花魄都無恙依舊商量作好春

重午

慰斗熏籠分夏衣翁身獨比去年衰已孤菖歎十分勸却要艾黃千壯醫蜜粽水糰為誰好丹符絲索聊自欺小兒造物亦難料藥裏有時生網絲

積雨作寒五首

壓屋雨雲晝暗環城霖潦夏寒西池半沒荷柄南蕩平沈

芙蓉

已報舟浮登岸更憐橋路平池養成蛙吹無謂掃盡蚊雷

却奇

熨貼重尋毳納補苴盡護紙窓餘生雪鬢禪榻昨夢雲帆

漲江

婢喜蚊僵霧帳兒嗔蝸篆風樵兀坐鼻端正白忘懷眼底

常青

山寒禪老不下泥滑琴僧罕來且喚園丁閒話喜聞湖岸

未顏

題請息齋六言十首

洞門晝挂鐵鎖問道秋生綠苔著下略同龜伏瓜中且免

蠅來

多謝紛紛雲雨相忘渺渺江湖坐隅世忌占鵬屋上何煩

譽鳥

鸚鵡年年如馬犬行日日摧車笑中恐有義甫泣裏難防

叔魚

見影蛾猶鈹鈹聞聲厖尚狺狺問離毛生名紙知我角出

車輪

不惜人扶難拜非關我醉欲眠勞君敬枯木耳恐汝見濕

灰焉

稅駕今吾將老結廬此地不喧恐妨蝴蝶同夢笑倩顏當

守門

口邊一任醜去鼻孔慵將涕收閉門冷落車轍空室團樂

話頭

冷暖舊雨今雨是非一波萬波壁不禪枯達磨室中病者  
維摩

親戚自有情話來往都無雜言酒熱竟須相報文成聊與  
細論

園丁以時白事山客終日相陪竹比平安報到花依次第  
折來

富順楊商卿使君鼎與余相別于瀘之合江渺然再  
會之期後九年乃訪余吳門則喜可知也今復分  
袂更增惘然病中強書數語送之

合江縣下初語離共說再會知何時壽櫟堂前哄一笑人  
生聚散真難料青燈話舊語未終船頭疊鼓帆爭風草草  
相逢復相送直恐送迎皆夢中昨聞親上安邊奏玉陛從

容移禁漏天香懷袖左魚符歸作雙親千歲壽我今老病  
塘蒲衰君歸報政還復來萬里倘容明月共更期後夢如  
今夢

初秋閒記園池草木五首

莢葵爛紫終陋蒼菊蕙黃亦香醫俗賸延竹色瘵愁催折  
萱房

牛牽碧蔓自繞鷄聳朱冠欲爭菱葩可範伯雅蓼節偏宜  
翹生

旱地蓮花嬌小水盆梔子幽芳薇帳半年春艷桂叢四季  
秋香

醉憐金盞齊側卧看玉簪對橫腥水留灌宋荊結香旋薰  
素馨

玉蕊化生稚子碧枝視現聲聞馬齒任藏承冷鴻頭自勝  
疏溫

巖桂三首

風簾疎爽月徘徊悵望家人把酒杯病著幽窓知幾日瓶  
花兩見木樨開

越城芳徑手親栽紅淺黃深次第開不用小山招隱賦身  
如強健日千迴

枝蕭索倚宣華東苑香風屬內家碧屠蘇銀燭照平  
生奇絕象山花少坡圃中惟有一株四明月桂持弄

藻侄比課五言詩已有意趣老懷甚喜因吟病中十  
二首示之可率昆季賡和勝終日飽閒也

新歲涼牀又暖牀山川屏裏畫時刻篆中香艮壘

吾土支離飽太倉若教身更健鶴背入維揚

鹿紛紜夢亡羊散亂心眊昏遮眼讀愁苦然髭吟幸覺  
行迷遠其如卧病深下何用覓破針

暖衣猶襲宵長被有稜朝脯三椽餒昏曉一缸燈伴坐  
踰如几扶行瘦比藤生緣堪入畫寂寞憇松僧

繩椅扶枒骨蒲團閣悴膚事疑償業債形類窘囚拘空劫  
真常體浮生幻化軀箇中元不二無語對文殊

軟熟羞盤饌芳辛實枕幃候晴先晒席占濕預烘衣易粟  
鷄皮皺難培鶴骨肥頭顱雖若此虛白自生輝

歎息增晨清伸眉愜晚晴隙塵浮日影窓穴嘯風聲捫蝨  
天機動驅蚊我相生偶然成一笑栩栩暫身輕

貴仕龜鑽筴閑居馬脫鞵冠塵昏舊製帶眼刺新圍堆案



書郵少登門刺字稀揜關灰木坐休示季咸機  
目青浮珠珮聲塵籟玉簫秋懷潘鬢禿午夢楚魂銷注水  
瓶花醒吹薪鼎藥潮南柯何處是斜日上廊腰  
靜裏秋先到閒中書自長門闌終泄柳尸祝漫庚桑腹已  
枵經筭身猶試藥方強名今日愈勃率負東牆  
汗漬筇枝赤苔封屐齒青有醫延上坐無客抗分廷霽月  
鑽窓看鳴禽側枕聽莫嗔猿鶴怨岫幌兩年扁  
視絮勞羣從祇承愧闔家乳泉供水遞金液養丹芽嘉釀  
厚如酪旋春香勝花百端扶老憊無物報投瓜  
學業荒呻畢歡悰隔笑鹽入秋先複幕過夏亦疎簾門客  
嗔愁思家人獻吉占尤憐小兒女時報鵲鳴簷

灼艾

血忌詳涓日尻神謹避方艾求真伏道穴按古明堂謝去  
羣巫祝勝如幾藥湯起來成獨笑一病攬千朶

白鬢行

四十踰四髭始黃手持漢節臨大荒輿疾歸來皮骨在兩  
鬢尚作青絲光俯仰行年四十九萬里南馳復西走班班  
頷下點吳霜猶可芟夷誰賓友屈指如今又十年兩年憊  
卧秋風前人生血氣能幾許不待覽鏡知皤然長安後輩  
輕前輩百方染藥千金買煩擱包裹夜不眠無奈露頭出  
光怪病翁高卧門長扃垂雪甍甍骨更青兒童不作居士  
嗔嗔作堂中老壽星

甲辰除夜吟

一年三百六日日日三椽卧衰疾倚人柳榆還嘆咨問

我如何度四時我言平生老行李蓐食趁程中夜起當時  
想像閉門閑弱水茗茗三萬里如今因病得疎慵脚底關  
山如夢中重簾複幕白晝靜戶外車馬從西東若問四時  
何以度念定更無新與故瓶花開落紀春冬窓紙昏明認  
朝暮行年六十是明朝不暇自憐聊自嘲夢尾三杯錫一  
標從今身健齒牙穿

元夕二首

藥爐湯鼎煮孤燈禪版蒲團老病僧兒女強修元夕供玉  
蛾先避雪鬢鬢

落梅穠李趁時新枯木崖邊一任春尚愛鄉音醒病耳隔  
牆時有賣錫人

請息齋書事二首

覆雨翻雲轉手成紛紛輕薄可憐天無寒暑無時令人  
不炎涼不世情栩栩算來俱蝶夢嗚呼能有幾鷄鳴冰山

側畔紅塵漲不隔瑤臺月露清刻木牽絲罷戲場祭終雨後兩相忘門雖有雀尚延尉食  
已無魚休孟嘗蝨裏趨時真是賊虎中宣力任爲俵籬東

舍北誰情話鷄語鷗盟意却長聚蚋醯邊鬧似雷乞兒爭背向寒灰長平失勢見何晚粟  
里息交歸去來休問江湖魚有沫但蘄雲水鶴無媒巖扉  
岫幌牢扃鑰不是漁樵不與開

送文季高符興元

素衣京洛悵成緇青鬢吳江喜未絲燭暗不眠談舊事酒  
闌作惡問行期雷書情話須親戚風雨殘春更別離屈指

歸來重一笑掃除門巷著旌麾

家人子輩往石湖檢校暮歸

南浦回春棹東城揜暮扉兒修雞  
冊了女挈菜籃歸風力  
雖欺酒花香尚染衣衰翁牢守金  
腸斷釣魚磯

次韻龔養正中秋無月三首

詞客幕天清露下老翁卧病破空  
中高吟大醉輸公等不

見嫦娥與我同

去年怪雨無端甚今歲癡雲亦  
然減却新詩酸却酒乘

除添得一更眠

丙夜清光些子見兒童驚喜強  
夸闌珊高興應無幾恰

似春殘看落花

殊不惡齋春晚間吟五絕

西風入簾圖書響斜照穿隙網  
簷間雙雀有時鬪壁

下一蛩終日鳴

旁若無人鼠飲硯麾之不去蠅登  
血天涼睡起枕痕暖日

晚慵來香字寒

就食遷居蟻墳壤隨風作舍蛛  
絲百年何處用三窟萬

事信緣安一枝

市聲洶洶鼓摧陣日影駸駸潮漲  
痕消磨意氣默數息把

玩光陰牢閉門

中秋昨已等閑過重九今還如夢  
水霜鬢數莖羞墮幘黃

花三度笑空杯

丙午新正書懷十首

不用桃符貼畫鷄身心安處是天  
倪行年六十舊曆日汗

脚尺三新杖，藜祝我賸周。花甲子，謝人羨。勸玉東西春風。若借筋骸，便先渡南村學灌畦。

瘦骨難勝過節衣。日高催起趁農炊。病後梅菜隨身慣。老覺屠蘇到手遲。一飽但蕪庚癸諾。百年甘守甲辰雖。莫言此外都無事。柳眼梅梢正索詩。

煮茗燒香了歲時。靜中光景笑中嬉。身閒一日似兩日。春淺南枝如北枝。朝鏡略無功業到。午窓惟有睡魔知。年來併束牀頭易。一任平章濟叔癡。

窮巷開門本閤然。強將爆竹貼門前。人情舊雨非今雨。老境增年是減年。日不兩匙休足禁。生能幾屐莫言錢。掃除一室空諸有。龐老家人總解禪。語云一口不能著兩匙

厲風翻海雪漫天。百計逃寒息草萊。穩作披爐如卧炕。厚裁綿旋勝披瓊尊。前見在膏騰醉飯後無何爛。慢眠斟酌出門高興盡。從教閒却剡溪船。披爐綿旋皆新得法

俗情如絮已泥沾。因病偷閒意屬厭。鵬鷄相安無可笑。熊魚自古不容兼。灰埋楮杓多時暖。雪壓蔓青滿意甜。温飽閉門吾事辦。異時書判指如籤。

炭熟香濃石鼎煨。人言小閣是春臺。蕉心翠展一冬在。梅蕊粉融連夜開。蕭蕭九水妨發育。温温三火護恢台。養生此外無遺說。梨棗元須趁暖裁。水芭蕉經冬不瘁

經過掃軌但幽栖。策藎林深寄一枝。栗里歸來窓下卧。香山老去病中詩。東風馬耳塵勞後。半夜鷄聲睡熟時。俛仰平生盡陳迹。恰如膈膊幾枰棋。

窓明窓暗篆烟翻。珍重晨光與夕暉。東院齋鐘披被坐。南

城巖鼓岸巾歸幾人霜滑騎朝馬何處燈殘織曉機懶裏  
若承三昧力始知忙裏事俱非叙早眠晏起

殊方節物記吾曾海北天西一瘦藤烏欖雞檳嘗老酒酥  
花芋葉試新橙瘴雲度嶺濃如墨邊雪窺窓冷欲冰閒展  
兩鄉圖畫看卧遊何必減深燈此篇記桂林成都元日勝  
事續前皆檳榔中物老酒  
十歲年未壞者

丙午新年六十一歲俗謂之元命作詩自貶

歲復當生次星臨本命辰四人同丙午初度再庚寅長狄  
名猶記沙隨會若新童心仍竹馬暮境忽蒲輪鏡裏全成  
老尊前略似春三年歸汶上千日卧漳濱剛長交新泰陰  
消脫舊屯網蛛縈藥裏賣犬吠醫人窓下烏皮几田間紫  
領巾觴滿方止水鯁海任揚塵波匿觀河見維摩示病身

羣端還一笑默識幼中真

文淵公詩云四人二百四十歲  
况是同生丙午年僕用此事也

春來風雨無一日好晴因賦瓶花二絕

滿插瓶花罷出遊莫將攀折爲花愁不知燭照香薰看何  
似風吹雨打休

酒冷花寒無好懷柴荆終日爲誰開三分春色三分雨正  
似東風本不來

春晚卽事畱游子明王仲顯

繡地紅千點平橋綠一篙練花來石首毅雨熟櫻桃笑我  
生塵詭慙君有意袍故人能少駐門徑久蓬蒿

梅雨五絕

梅雨暫收斜照明去年無此一日晴忽思城東黃篾舫卧  
聽打鼓踏車聲

已酉甲申雷雨驚乘除却賀芒種晴插秧先插早秈稻小  
忌數旬蒸米成

甲申乙酉雨則大水

風聲不多雨聲多洶洶曉金闌浪波恰似秋眠隱靜寺玉  
書泉從牀下過

千山雲深甲子雨十日地濕東南風靜裏壺天人不到火  
輪飛出默存中

雨霽雲閒池面光三年魚苗如許長小荷拳拳可包鮓晚  
日照盤風露香

次韻李永見訪二首

混俗休超俗居家似出家有爲皆影事無念卽生涯莫覓  
安心法翻成捏目花作糜須穀粟千劫漫炊砂

有意能停棹多情易憶家清詩穿月脇遠夢繞天涯雨蝶

未濡粉秋蚊喙吐花新涼宜小駐談笑有升砂

自詠瘦悴

皮下無多肉老來瘦不禁骨稜春焙銜筋感海山沈蟻蝨  
從何有蚊蠅枉見侵惟餘老筇杖相伴兩虛心

四時田園雜興六十首

并引

淳熙丙午沉疴少紓復至石湖舊隱野外卽事輒書一  
絕終歲得六十首號四時田園雜興

柳花深巷午雞聲桑葉尖新綠未成坐睡覺來無一事滿  
窓晴日看蠶生

土膏欲動雨頻催萬草千花一餉開舍後荒畦猶綠秀隣  
家鞭筍過牆來

高田二麥接山青傍水低田綠未耕桃杏滿村春似錦踏

歌榭鼓過清明

老盆新熟杜茅柴  
嚮田頭祭社來  
巫媪莫嫌滋味薄  
旗亭宮酒更多灰

社下燒錢鼓似雷  
日斜扶得醉翁回  
青枝滿地花狼籍  
知是兒孫鬪草來

騎吹東西里巷喧  
行春車馬鬧如煙  
繫牛莫礙門前路  
移繫門西碌碡邊

寒食花枝插滿頭  
舊裙青袂幾扁舟  
一年一度游山寺  
不上靈巖卽虎丘

郭裏人家拜掃回  
新開醪酒薦青梅  
日長路好城門近  
借我茅亭暖一杯

步屐尋春有好懷  
雨餘蹄道水如杯  
隨人黃犬攬前去  
走步到溪橋忽自迴

種園得果屢償勞  
不奈兒童鳥雀搔  
已插棘針樊筍徑  
更鋪漁網蓋櫻桃

吉日初開種稻包  
南山雷動雨連宵  
今年不欠秧田水  
新漲看看拍小橋

桑下春蔬綠滿畦  
菘心青嫩芥臺肥  
溪頭洗擇店頭賣  
日暮裏鹽沽酒歸

右春日田園雜興十二絕

紫青萼葉卷荷香  
玉雪芹芽拔薤長  
自擷溪毛充晚供  
短蓬風雨宿橫塘

湖蓮舊蕩藕新翻  
小小荷錢沒漲痕  
斟酌梅天風浪緊  
更從水外種蘆根

蝴蝶雙雙入菜花日長無客到田家  
雞飛過籬犬吠竇知有行商來賣茶

滿裙水滿菜蘋洲上巳微寒  
嬾出游薄暮蛙聲連曉鬧今年田稻十分秋

上巳蛙鳴無水

新綠園林曉氣涼晨炊早出看移秧  
百花飄盡桑麻小夾路風來阿魏香

三句蠶忌閉門中鄰曲都無步  
往蹤猶是曉晴風露下采桑時節曾相逢

汗菜一機水局圍歲歲蝸廬沒半扉  
不看菱青難護岸小舟撐取打田歸

茅針香軟漸包茸蓬福甘酸半染紅  
采采歸來見女笑杖頭高挂小篋籠

穀雨如絲復似塵  
囊旣浮蠟正當新牡丹破萼櫻桃熟未許飛花減却春

雨後山家起較遲  
天窓新色半熹微老翁欹枕聽鶯囀童子開門放燕飛

海雨江風浪作堆  
時新魚菜逐春回荻芽抽筍河魴上棟子開花石首來

鳥鳥投林過客稀  
前山煙暝到柴扉小童一棹舟如葉獨自編欄鴨陣歸

右晚春田園雜興十二絕

梅子金黃杏子肥  
麥花雪白菜花稀日長籬落無人過惟有蜻蜓蛺蝶飛

五月吳江麥秀寒  
移秧拔蘆尚衣單稻根科斗行如塊田



水今年一尺寬

二麥俱收斗百錢  
田家喚作小豐年  
餅爐飯甑無飢色  
接到西風熟稻天

百沸綠湯雪湧波  
綠車嘈噴雨鳴蓑  
桑枯盆手交相賀  
繅繭無多線繭多

小婦連宵上絹機  
大耆催稅急于飛  
今年幸甚蠶桑熟  
留得黃絲織夏衣

下田戽水出江流  
高壠翻江逆上溝  
地勢不齊人力盡  
丁男長在踏車頭

晝出耘田夜績麻  
村莊兒女各當家  
兒童未解供耕織  
也傍桑陰學種瓜

槐葉初勻日氣涼  
蕙蕙鼠耳翠成雙  
三公只得三株看  
閒客清陰滿北窓

黃塵行客汗如漿  
少住儂家嗽井香  
借與門前盤石坐  
柳陰亭午正風涼

千頃芙蓉放棹嬉  
花深迷路晚忘歸  
家人暗識船行處  
時有驚忙小鴨飛

米菱辛苦廢犁鉏  
血指流丹鬼質枯  
無力買田聊種水  
近來湖面亦收租

蝸蟻千萬沸斜陽  
蛙黽無邊聒夜長  
不把癡聾相對治  
夢魂爭得到藜牀

右夏日田園雜興十二絕

杞菊垂珠滴露紅  
雨蛩相應語莎叢  
蟲絲罽盡黃葵葉  
寂歷高花側晚風

朱門乞巧涕歡聲  
田舍黃昏靜掩扃  
男解牽牛女能織  
不須邀福渡河星  
橘蠹如蠶入化機  
枝間垂繭似蓑衣  
忽然蛻作多花蝶  
翅粉纔乾便學飛  
靜看簷蛛結網低  
無端妨礙小蟲飛  
蜻蜒倒挂蜂兒窘  
催喚山童爲解圍  
垂成穉事苦艱難  
忌雨嫌風更怯寒  
戕訢天公休掠剩  
半償私債半輸官  
秋來只怕雨垂垂  
甲子無雲萬事宜  
穫稻畢工隨曬穀  
直須晴到入倉時  
中秋晴景屬潛夫  
樽入空明看太湖  
身外水天銀一色  
城中有此月明無

新築塲泥鏡面平  
家家打稻趁霜晴  
笑歌聲裏輕雷動  
一夜連枷響到明

租船滿載候開倉  
粒粒如珠白似霜  
不惜兩鍾輸一斛  
尚贏糠覈飽兒郎

菽粟瓶罍貯滿家  
天教小將醉作生涯  
不知新滴堪筍未  
今歲重陽有菊花

細擣棖虀有鱸魚  
西風吹上四腮鱸  
雪鬆酥膩千絲縷  
除却松江到處無

新霜徹曉報秋深  
染盡青林作纈林  
惟有橘園風景異  
碧叢叢裏萬黃金

右秋日田園雜興十二絕

斜日低山片月高  
睡餘行藥繞江郊  
霜風掃盡千林葉  
閒

倚筇杖數鶴巢

炙背簷前日似烘暖醺醺後困蒙蒙過門走馬何官職側帽籠鞭戰北風

屋上添高一把茅密泥房壁似僧寮從教屋外陰風吼卧聽籬頭響玉簫

松節燃膏當燭籠凝烟如墨暗房櫳曉來拭淨南牕紙便覺斜陽一倍紅

乾高寅缺築牛宮卮酒豚蹄醉土公牯特無瘟犢兒長明年添種越城東

放船開看雪山晴風定奇寒晚更凝坐聽一篙珠玉碎不知湖面已成冰

撥雪挑來踏地菘味如蜜藕更肥醲朱門肉食無風味只

作尋常菜把供

槽袖無煙雪夜長地爐煨

暖如湯莫嗔老婦無盤飢笑

指灰中芋栗香

煮酒春前臘後蒸一年長

甕頭清麈居何似山居樂秫

米新來禁入城

黃紙蠲租白紙催皂衣旁

下鄉來長官頭腦冬烘甚乞

汝青銅買酒迴

探梅公子款柴門枝北好

閉總未春忽見小桃紅似錦卻

疑儂似武陵人

村巷冬年見俗情鄰翁講禮拜柴荆長衫布縷如霜雪云是家機自織成

右冬日田園雜興十二絕

自晨至午起居飲食皆以牆外人物之聲爲節戲書

四絕

巷南敲板報殘更  
街北彈絲行誦經  
已被兩人驚夢斷  
誰家風鶴鬪鳴鈴  
菜市喧時窓透明  
餅師叫後藥成閒  
居口出都無事  
惟有開門掃地聲  
北砦教回搥鼓遠  
東飯熟打鐘頻  
小童三喚先生起  
日滿東窓暖似春  
起傷東窗手把書  
華顏種種不經梳  
朝餐欲倒須巾裹  
已有重來晚市魚

開門初泛二十四韻

新修小舫因病禳被屯滯遂至北城逆運到楓橋一路

而還

好在馳煙路平生載酒行  
推藏身久病契濶歲頻更  
昨夜燈花曉今朝稻把晴  
出門新夢境獨目舊詩情  
水遠推篷眩天寬倚棹驚  
轉灣添綽挽罨岸併篙撐  
舫後裝兒女艫前酌弟兄  
醅香新麴嫩茗味小春輕  
紅皺分霜果黃蕩燃夕英  
纈林疎露屋朱閣靜臨城  
桃塢論今昔楓橋管送迎  
山腰樵擔動木末酒旗明  
竟日窰煙直中流塔影橫  
數帆殘照滿一笛暮江平  
曬網楓邊桁牽罾柳際棚  
岫雲縈石住田水穴堤鳴  
過渡牛歸速穿籬犬吠  
獐魚寒猶作陣雁遠更聞  
聲急榜潮痕出疎鐘  
暝色生鄰翁欣問訊  
逋客愧寒盟一昨成歸  
卧于今負獨耕生涯都  
塌颯心曲漫呼爨猿鶴  
休多怨菰蓴尚可羹  
藥盡吾厭苦扶憊且班荆

重陽後菊花二首

寂寞東籬濕露華，依前金盞照泥沙。世情兒女無高韻，只  
看重陽一日花。  
過了登高菊尚新，酒徒詩客踴知聞。恰如退士垂車後，勢  
利交親不到門。

丁未春日瓶中海珠未開二首

暖閣無人到寒枝，爲我橫情鍾吹葉。破靜極覺香生老，去  
魂休斷春來眼。且明逃禪時索笑，百匝傍窗行。  
夜雪臘前凍朝陽，春後蘇人憐疎葉。瘦花笑病翁，雁露白  
能多少。尋春似有無，詩催全不力。煮水換銅壺。

題夫差廟

縱敵稽山禍已胎，丞廷上國更荒蕪。不知養虎自遺患，只

道求魚無後災。夢見梧桐生後圃，眼看麋鹿上高臺。千齡  
只有忠臣恨，化作濤江雪浪堆。

翻韞菴夜坐聞雨

閉門冷落靜無譁，小閣簾幃密自遮。日晚課程丹竈火，夜  
深光景佛燈花。人生寧有病連歲，身世略如僧在家。步履  
尋春非老伴，任教風雨喚雷車。

睡起

憨憨與世共兒嬉，兀兀從人笑我癡。閒裏事忙晴聯藥，靜  
中機動夜爭棋。心情書卷無佳句，時節梅花有好枝。熟睡  
覺來何所欠，瓊根香軟飯流匙。

賞海棠二絕

芳春隨分到貧家，兒女多情惜歲華。聊爲海棠修故事，去

年燈燭去年花

憶向宣華夜倚欄花光妍暖月光寒如今場颯嫌風露且只銅瓶滿插看

午窓遣興家人謀過石湖

雲日初收破柱雷小窓坐穩興悠哉熏爐花氣朝醒解茶鼎松風午夢迴謝客門闌風動竹惜春時節雨肥梅畫船破浪亦一快聞道湖光如撥醅

將至石湖道中書事

水綠鷗邊漲天青雁外晴柳堤隨草遠麥壟帶桑平白道吳新郭蒼煙越故城稍聞雞犬鬧僮僕想來迎

三月十六日石湖書事三首

春事日以闌暑陰正清美施節入林下秀綠照衣袂盧橘

子黃櫻桃桑椹紫荷依浪花顛筍破苔色起風日收宿

陰物色有新意鄰曲知我歸爭來問何似病弱今有無加

飯日能幾掀髯謝父老衰雪已如此

種木二十年手開南野荒苒苒新歲月依舊林塘汙萊

槽下濕苔蔚驕衆芳菱母尚能瘦竹孫如許長憶初學圃

時刀笠冒風霜今茲百不堪裘帽人扶將龍鍾數能來猶

勝兩相忘

湖光明可鑒山色淨如沐心愜舊觀愁眼快奇矚依然

北窓下凝塵滿香簾訪我烏皮几拂我青氍褥荒哉賦遠

游幸甚遂初服老紅錢餘春衆綠自幽馥好風吹晚晴斜

照入疎竹瓦坐胎息勻不覺清夢熟

送遂寧何道士自潭相歸蜀

書劍飄然席未溫  
火雲撲地暑煙昏  
山黃水濁湖南路  
竹月荷風憶范村

再遊天平有懷舊事且得卓菴之處呈壽老

讀書光陰二十年  
殘僧相對兩依然  
木蘭已老無花發  
石竹依前有麝眠  
萬戶直須龜手藥  
一匱何用買山錢  
從今半座須分我  
共說昏昏一覺禪

晚登木瀆小樓

萬象當樓黼繡張  
欄干一丈立蒼茫  
雲堆不動山淡碧  
星出無多月淡黃  
宿鳥盡時猶數點  
歸鴉驚處更斜行  
松陵政有鱸魚上  
安得長竿坐釣航

題米元暉吳興山水橫卷

道場山麓接何山  
影落茗溪浸碧欄  
只欠荷花三十里  
擬

頭船上把酒

素羹

檀芋凝酥敵少城  
土諸割玉勝南京  
合和二物歸黎糝  
新法儂家骨董羹

除夜地爐書事

節物閒門裏  
人情老境中  
雁聲凌急雨  
燈影戰斜風  
糟醲新醅白  
紫錐軟火紅  
家人愀夜話  
我已困蒙茸

次韻虞子建見吟贖帶作難

齋祠難著野衣冠  
旋贖金章始見閑  
台架塵侵毬路暗  
花書墨漬笏頭斑  
當年駟騎傳呼賜  
此日村童拂拭還  
若比前廳荒驛舍  
見存猶可一開顏

兒女傳觀省見稀  
病身聊復借光輝  
莫嫌憔悴沈腰瘦  
且

喜聞關秦壁歸不是典來還酒債亦非將去換  
蒙衣塵魚甕釜時相厄微汝誰能爲解扇

顏橋道中

村村籬落總新修處處田疇盡有秋  
一段農家好風景稻堆高出屋山頭

書事三絕

樊婢請淘酒米園丁催算稅錢如許日生公事誰云窮巷  
蕭然

日日處方候脈時時推灸禩  
穴門外誰無車轍醫生卜更猶來

簡于約同湖棹周郎許過田  
廬碧雲日暮空合多病故人遂疎

親鄰招集強往便歸

樂天漸老欲謀歡大似蒸砂不作團  
已覺笙歌無暖熱仍嫌風月太清寒  
氣衰况復三而竭心賞猶于四者難  
卻恐人嫌情太薄聊將花作霧中看

雪意方濃復作雨

擬看飛花陣翻成建水聲  
雨吾寧不識雪汝幾時成  
三白從今卜千倉待此盈  
黃雲如有意青女莫無情

春朝早起

莫笑眠常早還憐起不遲  
纔香溫夜氣小雨濕春姿  
瘦比中年甚寒惟病骨知  
美渠兒女健繞屋探南枝

詠懷自嘲

簷溜春猶凍門扉晚未開  
退閑驚客至衰懶怕書來  
日日



教燒竹朝朝遣探梅園丁應寫笑猶自說心灰

早衰

早衰頭腦已冬烘信拙心情似苦空  
條舊姓名多健忘家人長短總佯聾  
一窓暖日棋聲裏四壁寒燈藥氣中  
晚景只消如此過不堪拈出教兒童

習閒

習閒成懶懶成癡六用都藏縮似龜  
雪已許多猶不飲梅今如此尚無詩  
閒看猫暖眠穩褥靜聽鴉寒叫竹籬  
寂寞無人同此意時時惟有睡魔知

陰寒終日兀坐

東風微解綴簷冰仍喜朝來井水清  
臘淺得春全未暖雪墜和雨最難晴  
小窓日暖猶棋局窮巷更深尚屐聲  
莫把

推頰嫌暮景且將閒散替勞生

親戚小集

避濕違寒不出門一冬未省正冠巾  
月從雪後皆奇夜天向梅邊有別春  
秉燭登臨空話舊擁爐情味莫懷新  
榮華勢利輸入慣贏得尊前現在身

睡覺

尋思斷夢半霄騰漸見天窓紙瓦明  
宿鳥噪羣穿竹去縣前猶自打處更

臘月村田樂府十首并引

余歸石湖往來田家得歲暮十事採其語各賦一詩以識土風號村田樂府其一冬春行臘日春米爲一歲計多聚杵臼盡臘中畢事藏之土瓦倉中經年不壞謂之

冬春米其二燈市行風俗尤競上元一月前已賣燈謂之燈市價貴者數人聚博勝則得之喧盛不減燈市其三祭竈詞臘月二十四夜祀竈其說謂竈神異日朝天白一歲事故前期禱之其四口數粥行二十五日煮赤豆作糜暮夜闔家同餐云能解瘟氣雖遠出未歸者亦留貯口分至襪襪小兒及僮僕皆預故名口數粥豆粥本正月望日祭門故事流傳爲此其五爆竹行此它郡所同而吳中特盛惡鬼益畏此聲古以歲朝而吳以二十五夜其六燒火盆行爆竹之夕人家各又于門首燃薪滿盆無貧富皆爾謂之相暖熱其七照田蠶詞與燒火盆同日村落則以禿帚若麻蕪竹枝輩燃火炬縛長竿之杪以照田蠶然徧野以祈絲穀其八分歲詞除夜祭其先竣事長幼聚飲頌頌而散謂之分歲其九賣癡獸詞分歲罷小兒繞街呼叫云賣汝癡賣汝癡世傳吳人多獸故兒輩諱之欲買其餘益可笑其十打灰堆詞除夜將曉鷄且鳴婢獲符杖擊糞壤致詞以祈利市謂之打灰堆此本彭蠡清君廟中打如願故事惟吳下至今不廢云

冬春行

臘中儲書百事利第一先春年計米羣呼步確滿門庭運杵成風雷動地節勻箕健無糲糠百斛只費三日忙齊頭圓潔箭子長隔籬輝日平生光土倉瓦龕分蓋藏不蠹不腐常新香去年薄收飯不足今年頓頓炊白玉春耕有種夏有糧接到明年秋刈熟鄰叟來觀還歎嗟貧人一飯不

可賒官租私債紛如麻  
石米冬春能幾家

### 燈市行

吳臺今古繁華地  
偏愛元宵影燈戲  
春前臘後天好晴  
已向街頭作燈市  
疊玉千絲類鬼工  
剪羅萬眼人力窮  
兩品爭先最先出不待三五  
迎東風兒童種麥荷鉏倦  
偷閒也向城中看酒壚  
博塞雜歌呼夜夜長如正月  
半災傷不及什之三歲寒  
民氣如春酣農家亦幸荒  
年少始覺城中燈市好

### 祭竈詞

古傳臘月二十四竈君  
朝天欲言事雲車風馬少  
留連家有杯盤豐祀猪首  
爛熟雙魚鮮豆砂甘鬆粉  
餅圓男兒酌獻女兒避  
醉酒燒錢竈君喜婢子鬪  
爭君莫聞猫狗觸

錢君莫嗔送君醉飽  
天門杓長杓短勿復云乞  
取利市歸來分

### 口數粥行

家家臘月二十五浙米  
如珠和豆煮大杓擦鐺分  
口數疫鬼聞香走無處  
鏤薑居桂澆蔗糖滑甘無  
比勝黃梁全家團樂罷  
晚飯在遠行人亦留分  
襁中孩子強教嘗餘波  
溲霜獲與臧新元叶氣  
調玉燭天行已過來萬  
福物無疵厲年穀熟長  
向臘殘分豆粥

### 爆竹行

歲朝爆竹傳自昔吳儂  
以用前五日食殘豆粥  
掃罷塵截筒五尺煨以  
蕪節間汗流火力透健  
僕取將仍疾走兒童却  
立避其鋒當堦擊地雷  
霆吼一聲兩聲百鬼驚  
三聲四

聲鬼集傾十聲連百神道寧八方上下皆和平卻拾隻頭  
頭疊牀底猶有餘威可驅厲屏除藥物添酒杯盡日嬉游  
夜濃睡

燒火盆行

春前五日初更後排門然火如晴晝大家薪乾勝豆豉小  
家帶葉燒生柴青煙滿城天半白樓烏驚飛啼格磔兒孫  
圍坐鷄犬忙鄰曲歡笑遙相望黃宮氣應纔兩月歲陰猶  
嬌風慄烈將迎陽令作好春政要火益生暖熱

照田蠶行

鄉村臘月二十五長竿然炬照南畝近似雲開森列星遠  
如風起飄流螢今春雨雹繭絲少秋日雷鳴稻堆小儂家  
今夜火最明的知新歲田蠶好夜闌風燭西復東此占最

吉餘難同不惟桑賤穀芘芘仍更苧麻無節菜無蟲

分歲詞

質明奉祠今古同吳儂用昏蓋土風禮成廢徹夜未艾飲  
福之餘卽分歲地爐火軟蒼朮香飴盤果餌如蜂房就中  
脆餠專節物四坐齒頰鏘冰霜小兒但喜新年至頭角長  
成添意氣老翁把杯心茫然增年及爾減吾年荆釵勸酒  
仍祝願願翁尊前且強健君看今歲舊交親大有人無此  
杯分老翁飲罷笑撚鬚明朝重來醉屠蘇

賣癡歌詞

除夕更闌人不寐厭禳滯鈍迎新歲小兒呼叫走長街云  
有癡歌召人買二物于人誰獨無就中吳儂乃有餘巷南  
巷北賣不得相逢大笑相揶揄癡翁塊坐重簾下獨要買

添令問價見云翁買不須錢奉賒癡獸千百年

打灰堆詞

除夜將闌曉星爛糞掃堆頭打如願杖敲灰起飛撲籬不  
嫌灰宛新節衣老媪當前再三祝只要我家長富足輕舟  
出商重船歸大特引犢雞哺兒野蘭可練麥兩岐短衲換  
却長衫衣當年婢子挽不住有耳猶能聞我語但如我願  
不汝呼一任汝歸彭蠡湖

讀白傅洛中老病後詩戲書

樂天號達道晚境猶作惡陶寫賴歌酒意象頗沈著謂言  
老將至不飲何時樂未能忘暖熱要是怕冷落我老乃多  
戒頗似僧律縛閒心灰不然壯氣鼓難作豈惟背聲塵亦  
自屏杯酌日課數行書生經一囊藥若使白公見應譏太

蕭索當否竟何如我友試商略

淨慈顯老爲衆行化且示余所寫真戲題五絕就作

畫贊

孤雲野鶴本無求剛被差充粥飯頭擔貝一筵牙齒債鐘  
鳴鼓響幾時休

冒雪敲冰乞米迴齋堂如海鉢單開衆中若有知恩者一  
粒何曾敲破來

千里驅馳出爲人顏容消瘦老于真食輪轉後無餘事莫  
學諸方轉法輪

何時平地起浮圖化得冬糧但付厨推倒禪牀并拄杖飢  
來喫飯看西湖

殿中泥佛已丹青堂上禪師也畫成笑我形骸枯木樣無

禪無佛太粗生

喜收知舊書復與答書二絕

故人寥落似晨星珍重書來問死生筆意不如當日健  
邊應也雪千莖

強裁尺素答相思兩日眵昏腕力疲牽率老夫今至此門  
前猶說報書遲

重陽不見菊

冷葉蕭疎蝶懶飛商量何日是花時重陽過後開無害只  
恐先生不賦詩

謝江東漕楊廷秀秘監送江東集并索近詩二首

遠道悠悠日暮雲愁眉今夕爲君軒殘燈獨照江東集短  
夢相尋白下門卽事想多梅藥句有誰堪共桂花尊斯文

願有斯人在會合何時得細論

禿翁衰雪涕垂頤鬢髯三生懶散師  
淡髓淪膚都是病  
困倒廩更無詩  
笑看筆格網絲徧  
閒數窻花影  
移專業  
光陰今若此  
故人休說舊襟期

范村雪後

習氣猶餘燼鍾情未濕灰  
忍寒貪看雪諱老強尋梅  
慰貼  
愁眉展勾般  
笑口開  
直疑身健在  
時有句飛來

屢居久不見山或勸作小樓  
以助登覽又力不能辦

今年益衰此興亦闕矣

結廬占城市初起卜云吉  
謁醫并治庖二事便衰疾  
乘除  
徐自笑翻覺此計失  
經年不見山無異處  
暗室平生痛煙  
霞歲晚成俗物安得百尺樓  
屋上高突兀列岫擁青來爽

氣助佔畢嘗試與匠謀工費蝟毛出俸餘強弩末家事空  
囊澁經營十年餘高興竟蕭瑟人生不如意十事常六七  
身今况遲暮長算屈短日縱成此段奇髮白何由漆且學  
商山翁彎跽螿霜橘

新歲書懷

門間知閑好窓晴與睡宜歲華書戶筆年例探梅詩看長  
棋三著量添飯兩匙豁除身外事未是苦衰遲

閏月四日石湖眾芳爛熳

北垞南岡總是家兒童隨逐任驩譁開嘗臘尾蒸來酒點  
數春頭接過花盡把園林蒙錦綉多添門戶鎖煙霞杖藜  
想被東風笑扶却衰翁管物華

檢校石湖新田

今朝南野試開荒分手耘鋤草棘場下地若干全種秫高  
原無幾謾栽桑蘆芽碧處重增岸梅子黃時早澹塘田里  
只知溫飽事從今拌却半年忙

連夕大風凌寒梅已零落殆盡三絕

枝南枝北玉初勻半夜顛風捲作塵春夢都無三日好一  
冬忙殺探梅人

玉雪飄零賤似泥惜花還記賞花時賞花不許輕攀折只  
許家人戴一枝

花開長恐賞花遲花落何曾報我知人自多情春不管  
顏猶作送春詩

夢覺作

年增氣血減藥密飲食稀氣象不堪說頭顱從可知忽作

少年夢嬌癡逐兒嬉覺來一惘然形骸乃爾衰夢中觀河見只似三歲時方悟夢良是却疑夢為非

詩

正德

本并

對南

且吹

風

今

時

雨

後

今

時

雨

後

今

時

雨

後

今

時

雨

後

今

時

雨

後



